



陰崖集

乾

詩年譜
書契

記跋
上標文
碑文

~16
2405
1



和
2405
1-2

陰崖李先生當
中廟盛際與靜菴
諸賢同德協贊期回三代之治而羣
壬蓄怨逞讒入于左腹北門夜開打
盡一網千古志士之痛可勝言哉先
生削官退處于湖西之陰城惟左右
圖書潛心玩蹟家或屢空而晏如也

卷之二

序

後又移棲于忠州之兔溪則山益深
水益清而跡愈闕矣與灘交李公居
近每一棹相就講論道義以爲樂雖
其放廢窮阨無少怨悔而有時念國
悼賢哀淚承睫如是者凡十有五年
而卒 中廟晚年大悔前事稍稍進

用舊臣而先生已下世矣豈非古所
謂斯人無福天下人也無福者耶
宣廟特命贈爵賜諡忠之章甫翔書
院于兔溪舊洞以先生及灘交竝享
韓山人士又追配先生于先祖稼亭
牧隱麟齋殿享之院 聖朝俱宣恩

額表章之典備矣嗚呼宵小之斬伐
善良其禍雖極於一時而天衷之
悟公議之定無待於百年至今五尺
童子皆知己卯諸賢之道爲可尊而
袞貞羣凶之罪窮宇宙而罔赦亦可
見斯道之終不可絕而人心之終不

可誣也先生學問醇正文章甚高其
進而陳說於上退而啓發於後者必
多彬狀可則而始歷禍故後經兵燹
平生著述散佚殆盡蘇齋公撰行狀
所稱只得詩三千六百五十六各體
文七十四者今亦不可復覩矣六代

孫察訪道興慨狀有志收輯費積年
之工前輩文集野乘稗說暨夫人家
古帖靡不窮搜而廣閱苟係先生自
著不遺片言其他有關於先生言行
履歷者輒加採錄摠詩賦一編文一
編目錄雜著一編附錄一編仍修年

譜而弁諸首先生族從孫嶺南伯李
君彝章自初與議修整將鉅梓而行
于世實士林之幸也道興要在魯爲
序顧以夙昔慕仰之心喜今日遺集
之成茲敢不揆耄拙略記顛末如右
云

上之三十年甲戌臘月後學大匡輔
國崇祿大夫領中樞府事清風金在
魯謹序

陰崖先生年譜

皇明憲宗皇帝成化十六年本朝成宗庚子月

日先生生于漢都日月及坊名不傳

十七年辛丑二先生歲

十八年壬寅三先生歲

十九年癸卯四先生歲

二十年甲辰五先生歲

二十一年乙巳六先生歲隨大諫公豐基任所幼疑然

如成人不知其非凡兒戲

二十二年丙午七先生歲始就學大諫公始授之書不煩指誨已通大義稍

長學益力退處一室若有心會者先生之學自在
其兄弟盡以灑掃應對為階梯事父母極其孝敬在

二十三年丁未先生八歲

孝宗皇帝弘治元年戊申先生九歲

二年己酉先生十歲

三年庚戌先生十一歲

四年辛亥先生十二歲隨大諫公三陟任所銳意征北廟

可虜大諫公以執義抗疏極論其不
可忤旨出補三陟先生隨侍焉

五年壬子先生十三歲

六年癸丑先生十四歲擬上萬言疏大諫公戒止之先生

憤作萬言疏欲自獻先府君戒止之疏逸○頭然自
山在陝府西寺前絕壁巉立積雪交映先生永
夜讀書激昂千古及還都忽忽不樂時或溪憂永
嘆欲作諫官

七年甲寅先生十五歲受業于朱溪君之門太宗玄孫

名溪源字伯淵號醒在寒暄堂門人學問精溪有
鑑識先生及李公希輔金公亮宋公世忠漆山

正禧孫皆往學焉○此先生十六歲○是歲仲氏
年條未詳姑附于此

八年元燕山君乙卯先生十六歲中進士試

九年丙辰先生十七歲

十年丁巳先生十八歲

十一年戊午先生十九歲

十二年己未先生二

十三年庚申先生二十一歲
積習成自然焉可學也蓋先生遊竊慕效之嘆曰成鄭

厚不喜空言惟務踏著實地以至晚年真積力久

工夫純熟動靜語默隨處自得云成鄭名不傳

十四年辛酉先生二十二歲
中司馬兩試生員二等第十

下進士二等第十人金安國榜下也同榜多聞

異於人皆以遠遊國庫磨資益德器渾厚不崖

十五年壬戌先生二十三歲
十二月隨大諫公安東任所

燕山政亂時大諫公長言官直言忤旨適移僉知

指生大諫公乙巳於嶺南關東各隨先府君之任也蓋

東而
言也

十六年癸亥先生二十四歲

十七年甲子先生二十五歲
擢式年文科壯元拜司憲府

監察○充千秋賀節使書狀官赴京師○秋大

諫公謫龍宮尋移星州時燕山追治前日臺諫言

被謫○按李松齋日記十月前注書李耘來到高

靈公為觀省而○還自京師○薦拜吏曹佐郎

歷過高山靈也○還自京師○薦拜吏曹佐郎

見進山政益荒無意○哭朱溪君朱溪君嘗論姑

與寒暄是年七月自免時被誣構○覲大諫公于星州謫

陰崖集 年譜 所○十一月就別權桐溪通之手被拿行追罪議

立尹庶人廟時立異諸人相溪自龍宮謫所被
而先歷過尚州先生適在咸昌挈壺往別之桐
執則死矣當扶眼而觀之矣仍憐慨然曰嗟乎
余則死矣當扶眼而觀之矣仍憐慨然曰嗟乎
泣下鄙野使斯禍後生嘗拜其墓而歎曰嗟乎
國俗鄙野使斯禍後生嘗拜其墓而歎曰嗟乎
已為之立廟云人之墓而蕪沒如其墓而歎曰嗟乎
出桐溪行狀云人之墓而蕪沒如其墓而歎曰嗟乎

十八年乙丑十先六歲二陞吏曹正郎循陞序

武宗皇帝正德元年丙寅十先七歲二月訪李

松齋明仲痛飲話別日出松野來○五月除義城

縣令大諫公既外補得義城○伯氏諱耦亦為優

○養為唐浦固萬戶○九月中宗大王改玉○省伯
氏于唐浦仍遊南海作遊海賦賦見集中

二年丁卯先生二歲撰聞韶志志佚

三年戊辰先生九歲八月以弘文館修撰召還

四年己巳先生三歲八月以弘文館修撰召還

先是大諫公就謫所授本州牧使亦去後思○

除陽川縣令未赴復拜修撰論以生求外得學可備

顧問空內不職○閏九月始著錄政日錄直書時

外遂復授是職○閏九月始著錄政日錄直書時

賢邪未天申時及變乙亥得丙子家遺法○起居憂故無所著焉

錄見○十一月夜對殺無辜代人居○君亦學李自堅

引血非漂杵之語曰當是時豈無辜相乎先堅

也此非問湯武優劣自堅曰湯之數眾自相而然

數紂也傲豈無優劣自堅曰湯之數眾自相而然

陰崖集年譜

四

信湯武皆能為民除害豈

五年庚午十一歲陞拜弘文館應教○二月請修

鄭圃隱吉治隱二賢墓上從之命守護鄭生陳周

吉再墓禁其樵牧錄用○答對馬島主書契倭是

其子孫害邊將侵掠日肆至是對馬島主呈書

橫恣殺禮曹先生製其答書以責之書見集中書

契于禮曹先生製其答書以責之書見集中書

夏上疏請還收李茁職牒廷流竄未久蒙放給朝

故論之疏○八月進講吏文政二十日及金慕齋

見集申掌令淵受點進講而吏出○奉命赴義州

講國命賜酒各引滿扶醉招詣闕以平安道龍

是日公退及暮自政院急招詣闕以平安道龍

川人越江畋獵湯站指揮聲以持兵犯境囚諸本

國將欲申報仍上命即日發行人恐動之辭事係上

日抵義州即使人致款于湯站指揮辭以愚民不

畏邦憲輕踐上國罪當萬死然實無干擾之辜且

將究問越江畋獵由乞賜放還指揮果放送先生推

問前而往來于龍川等處人泰川諸○九月十

邑所至有詩及關西奉使錄竝見集○九月十

五日在龍川行望闕禮有詩○十一月聞大諫公疾

邀川欲從雲山往香山作詩○十一月聞大諫公疾

作馳還京第是月二十二日丁憂聞初八日在鐵山

帶應教尚

六年辛未先生三歲正月葬大諫公仍居墓廬于龍

墓之制祭以禮里化之行廬

七年壬申先生三歲十二月還京第○與柳從龍雲

陰崖集年譜

五

書論

昭陵事

論時朝廷請復昭陵臺閣儒生爭

顧望者柳公時為臺官昔蓄積今日望君豈有

大事朝夕伏閣此吾輩平昔風諸君阻於庸之

量哉幸今正論者有復古之風又見於庸之

無使大禮不正者皆名望若陵在天之靈目悒

何時得瞑乎云

八年癸酉十月三日正月服闋有諫公墓下南溪巖

楓林居士號拜弘文館副校理四月特旨移

拜校理時物上患曹政出多門充庶官親視樞商確

必親經如大聖慮乎是政先生及鄭公光弼微特旨何

付除該曹餘製進顯德王后遷耐輓詞先昭陵嘗之以

久未追復為痛至是命復承奉遷製進輓宮移

耐悅懷惋之意溢陪從廠衛又承奉命製進輓宮移

於詞表詩見集中○六月哭伯氏萬戶公稔早孤

曰一生氣所分此兒最靡托兄何忍舍都事公嗣從之

○十一月上疏還削柳子光翊戴勳弼左相鄭光

子命議大戴臣而還錄之先生與同僚抗疏極言勳子

光允疏見集中○拜副應教移拜司諫院司諫

九年甲戌先生五歲選湖堂是燕山之世廢棄湖堂至

用金安選先生及李長○奉教與諸學士纂集續

東文選文上院參校與焉年條未詳姑附于此○二

月上疏劾宋軼洪淑尹珣姜徵刑之地多招負乘

刑官譏淑珣珣材望素淺不足辱台司長四月又上
疏極論不蒙首允故駁陳疏極論略曰宋軼本無
學術又乏操節乃輔以遠浪驚駭大宰相體名本
不揆材望擢置宰輔遠浪驚駭大宰相體名本
營令器費多肩招右取容悅列正憲中興之朝
初狎詩酒優加階級寄輒奏功冒列憲中興之朝
指笑未徵懦久辱名器曠天職願濁不識
節凡此四懦久辱名器曠天職願濁不識
加勵風節云云兩俱見中議伏願濁不識
母夫人金氏憂○十月附葬大諫公墓左仍廬墓
十年乙亥先生六歲三月四月往龍宮大竹里權冲齋仲
虛撥來訪與其弟及文公瑾權兄弟許公贊金齋

公一源來會夜話翼日冲齋歸臨別先生拳拳以
勤學修元遺址此是也且先生舍而翁蔡公退居表
有薄業云者似此也且先生舍而翁蔡公退居表
咸于龍宮成時往○以近思錄贈冲齋川守齋來見
來義相磨寄意鄭重如○十月冲齋及松齋
道訪冲齋與明仲終夜話二日往龍宮大竹里見次
次野向咸昌仲終夜話二日往龍宮大竹里見次
冲庵淨字疏事二公聯疏請復齋祥字元冲疏事翌日
一月往哭外舅懶齋蔡公諡諱壽字者大之號懶齋
靖國切封仁川君退歸成昌而卒先往哭之
生初聘室寧南氏不生育再聘仁川之門生往哭之
李孝伯妻朴應星妻鳳○按陵副守萬年妻前委禽
及生先女年星不傳○按陵副守萬年妻前委禽
云云生先女年星不傳○按陵副守萬年妻前委禽
且懶齋弘治乙卯年七月子處手筆區處文書中
陰崖集年譜七

夫人以未笄女序居第七而第六男生乙巳戊戌此推之夫人生年恐在丁未戊申間而似於壬戌癸亥生間歸于先生矣

十一年丙子先生七歲四月豎碑于大諫公墓領序議

政柳洵撰書舍○六月被師儒抄選命議政均館曹

議棟金擇師儒可當人員抄先生及崔宋欽金世弼

李符金安國申公濟尹倬柳溥文及瑾李欽韓效元

孔瑞金麟洪彥弼蘇世讓韓忠趙光祖李○九月構

得全金絛黃孝獻朴祥金淨以趙啓李○九月構

思菴仍述記文為大齋宿之命曰思庵作記揭板

有若上將終身見志中○十月服闋還京第歸握奴

逸有上將終身見志中○十月服闋還京第歸握奴

手曰雷汝獨守義已○與趙靜庵孝直及趙方隱

仲翼輔趙晦谷季良廣構四隱亭書略曰吾及孝

直與尊先子兄弟義同兄弟孝直及我墳山在龍

鄉則相與觀花艾實非所可切磨交益之功

巖之至樂於斯採於斯薪於斯約構蝸室于斗

隱仲翼自為杖主欲過了於斯耕於斯名亭曰孝

獨至死不立言死之翼奉母還鄉未久而逝今我

沉晦谷之子朝先與比淚不能禁云鄉書見道義

之與方隱兄弟構此亭將為休退講磨之所不義

又與禍故因以未就○亭址在先生墳山不義

孫重震焉其○拜應教○移拜弘文館典翰○陞

拜弘文館直提學○送仲氏奉命監賑西道之

行西海未詳

十二年丁丑先生三十八歲上元賜柑命賦陸績懷

陰崖集 年譜 八

橘故事

臣時先生抱永感之痛故末句云微翼日又

命以陸績懷橘為題賦詩兩詩見○夏陞拜通

政大夫弘文館副提學○上疏請勿遣還留館倭

使疏中見○移拜承政院右副承旨○八月請褒贈

先正金寒暄堂鄭一蠹羣臣以廟見節義等事延訪

汝昌學術醇正東國無比後儒知所向方專賴二

人之功也古有贈職褒美之事此何預於賢者乎

然有國者所當為也其子孫亦可錄用鄭文獻公實紀

院曰金宏弼等子孫錄用可也出鄭文獻公實紀

十三年戊寅先生九歲陞拜都承旨按冲齋日錄五

政前都令次野加同知丑夏已入銀臺以前先生為例

陞履歷蓋先生自丁丑夏已入銀臺其間必有例

今不可攷而○五月特命差奏請副使陞拜嘉善

大夫同知中樞府事時李繼孟回自京師得大

宗情議又有洪武二十八年命傳選使銓曹難其人

請增秩先生固讓不使允上特○拜司憲府大司憲

兼典醫監提調○六月入侍經筵先生論權勝

請推考齋上錄○冲齋來訪冲齋日錄云六月訪次

野又九日夕與都元為都訪次野于伯王第飲夜

分而歸時韓公效是時論議密勿齋其緒言遺旨

室文公權字○按造詣論議密勿齋其緒言遺旨

今攷○十月十四日上御思政殿引見宣醞賜

弓倂矢服先生與酒上行而書狀冲齋韓忠錄等○十

五日 上率百官拜表遂陞辭○赴京師辨誣

先生進奏復書禮部某職稱賞題本畧曰等事
志又明著王瑞昏迷李部果職大稱賞題本畧曰等事
守道禮之所奏大畧相符臣辨誣之誠俯從聖上念其好文
一附耳語曰差來陪臣赤土類先南曰哀此得奸疾死無所
惜然萬里調藥以濟之視不死死而云莫此得奸疾死無所
十四年已卯十先藥以濟之視不死死而云莫此得奸疾死無所
資憲大夫漢城府判尹兼知經筵事爾帝降李勅某曰
職舊識原不係李仁任之後我陳情誠孝可念帝特
允所請勅既渡江以朕意其欽承之秩之恩○復
命賜土田臧獲懇辭不允○二月進講性理大
全講筵將先生及講性理大金命世弼趙光祖申光

漢金正國柳雲金練洪彥弼金獻權雲朴忠熹奇
導鄭應張玉趙祐李希閔黃孝獻權雲朴忠熹奇
馬○送成遜齋蕃仲昌歸坡州別業最相善是時公
之每以雅尚儒術登進名賢舊臣側目于坡州別業
後在平海謫所聞先生下世懷慕不已詩見附錄
復舊交論道義敢期前席為敷陳之句詩見附錄
門人錄堂○三月移拜刑曹判書兼五衛都總府
都總管尋拜議政府右叅贊兼知經筵春秋館
事○六月送冲齋之任三陟襄期賢至滿治而施力
潤大更張無漸論議務為激切羣小多處散之欲
伺釁隙先生與靜庵中齋申文節公錦深憂之
出適兩將行不至與諸公出餞於仁齋門外補中外
齋○八月詩贈金雲巖子裕緣之任榮川科出宰登
陰崖集年譜

榮川先生詩為排律中二
十一月十五日
夜南衮等
起士禍先生與靜庵諸公就獄
識替日搖夜上意又景數三
門密軍遠捕事急矣不刑可
郎領密軍遠捕事急矣不刑可
光承旨大朴成金湜副提學
副承旨大朴成金湜副提學
等致矣領議政鄭光弼承旨
撲殺致矣領議政鄭光弼承旨
瑞麟生等奇詔獄書安直
用矣光弼又寬之曰李長天
酌酒聯句且與永訣從容得
次野孔瑞麟句且與永訣從容
生罷其職矣洪相與沈達源
生罷其職矣洪相與沈達源

而先生平日德性寬弘心持
蓋知此也或以言南衮之
旋之舊云是則淺衮之知
思庵○送靜庵謫行
谷書○太書畧曰吾儕直罪
如吾意豈無漸於斯若非
下之死某同意禍而尚帶舊
集○節公○字大用○編次高
文麟齋公○字大用○編次高
文麟齋公○字大用○編次高
作先文齋公○字大用○編次
九月又文請跋見集○於○後
哀黨李分輕重罪合於○後
命南衮分輕重罪合於○後
靜庵趙公訃至哭之
陰崖集年譜

及日錄末叙其悲悼
痛惜之懷久而愈切

十五年庚辰

先生四歲

移寓陰城之陰崖

先生

後謝絕

屋之東有石泉於陰城至洞崖仍自號溪崖等左屋

榻時引學盤屈為洞門先生手題其巖曰澹濯然若

切于世及嘗授人政宋史失其痛惜咽不流之心聲

嘗自色滿容哀淚承睫去者竊以視之饜然龍退先主

以吾不願也嶺表有薄業去之足龍仁具饜然龍退先主

字大意如掌刻畫宛然尚存○冲齋貽書戒酒既屏

成金公計至哭之懷衣帶善自繼于居昌山谷間

十六年辛巳

先生二歲

冲庵金公計至哭之

置濟州

至是賜死時先生仲氏為牧○作詩奉呈仲氏見詩

使冲庵執其手歷問時事云○與方隱書曰孝

直謫死季良杖多死吾儕何至於此極耶天乎不哭乎

孝直去路到龍多死吾儕何至於此極耶天乎不哭乎

山所悲懼交至云兄哭見集於

世宗皇帝嘉靖元年壬午先生三歲同仲氏省墓與仲

氏約共省掃仇視清流主若無人見訪瘦馬羸衣

入坐霖不覺沮喪而心強之乃詳姑附于此○汗而

先生愛爾有敬與仲氏約年條未詳姑附于此○汗而

先生愛爾有敬與仲氏約年條未詳姑附于此○汗而

先生愛爾有敬與仲氏約年條未詳姑附于此○汗而

先生愛爾有敬與仲氏約年條未詳姑附于此○汗而

先生愛爾有敬與仲氏約年條未詳姑附于此○汗而

陰崖集

年譜

十二

三年甲申先生五歲書朱子語錄考解後○著史評
 史評書皆晦庵語未詳並姑附於此○太史唐鑑著
 狀有曰先生莫知其手不釋卷入則開篋論著有道
 封識甚固人求此知亦錄語易後書人評等書述而
 是體用皆備不則此必日錄語後書人評等書述而
 若物之評則臧否必生有既昭晰而辨力其於國以治亂
 人史之評則臧否必生有既昭晰而辨力其於國以治亂
 世有足為鑑後學於嘉惠錄者而惜乎文發前聖於
 日錄兵燹之餘而今已惜哉
 四年乙酉先生四歲構瓜亭先生隙地作圃寓舍手自
 仍鋤作記其舍曰瓜亭
 五年丙戌先生七歲與趙沆書集見

六年丁亥先生八歲
 七年戊子先生九歲
 八年己丑先生十歲
 竊人甚危欲利來相勤把持少或急百緒論
 纏繞庶將銘朽骨夙夜張幽眇蓋先生為學百緒論
 今欲不可分謹操存之路者此詩可夫以之純篤辨
 十忠州之兔溪羅立削巖如劍巖在懶川上流八峯
 生愛其幽絕遂卜居焉如先生家朝素清爽而屏退
 流離之中尤至屢空晏然曰樂哉日樂朝素清爽而屏退
 散渚曉旭無益樂哉無醬樂哉日樂朝素清爽而屏退
 外私語曰無益樂哉無醬樂哉日樂朝素清爽而屏退
 ○築夢庵號生翁又精舍為棲息之所又作夢上樓
 見文集中文并○李灘安長吉慶金十清公碩李樽
 陰崖集年譜十三

巖喜初若許處士靜仲礎從遊講學以校理後灘居
州亦居龍灘十清以參判廢居州之知非川樽義處
而忘憂期鄉黨為之驢聲式馬谷嘗門當却掃此有
人歲寒義相黨保驢聲式馬谷嘗門當却掃此有
心期契許從遊云樂○盧生守慎來謁齋嘗曰號見
少時獲拜先之諶云樂○盧生守慎來謁齋嘗曰號見
行狀有曰守慎得侍數夜見讀書承教之餘必引三
外或聯句或守慎得侍數夜見讀書承教之餘必引三
可如者窮竟晷而温潤之策吾毅重之聲徽有於不
涯得而窺其
九年庚寅先生歲五訪松溪守叔仲於舟次正松溪詩
兄坐舟已卯禍謫善山至是宵歸舟過江先生聞
之掉舟往會慰松溪善山至是宵歸舟過江先生聞
以流辛巳人爲逆賊耶沆觀其言辭大慈之流也亦

先生曰罪君迄未悟矣豈可徒爾其辭極慷慨一狂
情外之罪乎安處謙然兄弟構殺已卯宋祀人連殆告安○除日自叙行
處謙然兄弟構殺已卯宋祀人連殆告安○除日自叙行
狀又書日錄末畧行曰某叙幸早履歷第又歷仕錄朝
狂黽勉從仕天日重明入首十載超從顯疎美外之蹤同輩
已側目矣自視歟然不見信推賢好第學處無據方性
復球頑兼以卒起人思廉身報取第學處無據方性
馴致不測之禍呼人云流亦皆無所謂乎公孝直受
罪釁交積醜詆物乎與尚趙公最親且知死生言笑者
非頑然一醜物乎與尚趙公最親且知死生言笑者
者幽明故乘醉信筆書之孫云知我交情之不
負也明故乘醉信筆書之孫云知我交情之不
十年辛卯先生五歲作船板記庵小畧曰挈家寓船庵
于州橫石風來而披襟其上為宴息之所得容借一棹
枕一方石風來而披襟其上為宴息之所得容借一棹
陰崖集年譜

食行則悠如鰕為中侶解或口而任詩之投竿而忘着
泛流能頰舍時復自笑每念平馬生眼前兒輩牽挽雄往
來不觀送餘日安乎垂暮記飄轉集得此足跡半天下
幽竒以觀送餘日安乎垂暮記飄轉集得此足跡半天下
十一年壬辰先生三歲五歲金安老歷訪與松窩老有姻云
每有親且同學於朱溪公守正無所為乘之舊相反安諸
賢墳成死公亦罷黜以歸路歷至丙申惡安老以議政
公逆見其肺腑於謂人過陰崖乃公已矣無湯沃慮也
君先子之安已小下世而時自晦丙申避禍亦云者一
按生常往來于龍宮庄舍而安老申來訪也○
自謫所復入朝其龍宮庄舍而安老申來訪也○
十二年癸巳先生四歲五歲三月與申企齋會于介山

先生與十清企齋約以三月三日及九月九日會于
介山歲以清企齋約以三月三日及九月九日會于
清已茅洞朴大丘陽懷三先生及九月九日會于
日寄茅洞朴大丘陽懷三先生及九月九日會于
猶存事獨違初嫩兩後挑花看亦稀茅洞故人人多非
風俗可燕語無逸典春傳○介山在日亦稀茅洞故人人多非
似亦有詩而逸典春傳○介山在日亦稀茅洞故人人多非
月冲齋來訪陰城齋被召上京取邊從容談論而于
別及金慕齋出密樓巖邀見先退於溪容談論而于
利川錄亦來會筆錄○十二月先生寢疾作夢庵觀
齋日錄亦來會筆錄○十二月先生寢疾作夢庵觀
化遺文遺生臨示死子姪輩以留語死所懷作夢庵觀
之隔且曰喪葬諸事一依朱禮不敢踰時服祭用松楸
饌先府君戒勿用油蜜果故不祭得行肉終家舊後
惟如我畧設脯鹽家禮中也喪不祭得行肉終家舊後
陰崖集年譜

云此乃先生絕筆惟此數行
○十五日考終于忠

州兔溪之夢庵

十三年甲午春葬于龍仁器谷面先兆下良坐之

原後先生墓在大諫公墓岡參議公墓下夫人蔡氏

墓失傳

十七年戊戌命復官爵

神宗皇帝萬曆五年宣祖大丁丑行狀成

錄附○命贈謚文懿

趙春光祖齊名為一參贊李毅○德博丙子冬文副提性純柳淑

安士禍而波及馬子孫衰微泯滅未死狀其行而請

此則金公曰少似撰行狀而無所是稽蘇齋年譜

已卯條允云柳西崖所定龍云事西有日陰應教在

謚號文懿余為柳西崖所定龍云事西有日陰應教在

於丑且先賜族孫名坡允昌所云撰則蘇齋有之

丁丑希春請易名坡允昌所云撰則蘇齋有之

似先生誤故今在先生其年譜載以丁卯載之

十四年丙戌八峯書院成奉安位版

士營建院宇忠吳濔金偉相繼北監成司金宇宏及

使李選劉漢忠吳濔金偉相繼北監成司金宇宏及

康復齋曰明誠至是廟成義宇主崇德講堂曰好

院號溪灘又稱植巖蘇齋義宇主崇德講堂曰好

定重建李澤堂植巖蘇齋義宇主崇德講堂曰好

並享其後賜士林致祭文附錄○配享文獻書院

陰崖集年譜

十六

院在韓山享稼亭牧隱麟齋祖子孫榮之先生以麟齋
玄孫又追配四世享於一麟院士林榮之先生條未詳
于姑此

十五年丁亥 特命立後 先生卓絕丁一子秋孝行毀

至制服 宣闕纔數月而卒 絕承統王後者絕之不幸早世
族姓大有功於國家者 繼斯文而後子孫亦無後錄用宗中擇其
孫裕後應氏都命立後曾

十八年庚寅 賜光國原從一等功臣錄券仍

命贈崇政大夫議政府左贊成兼判義禁府事世

子貳師知 經筵春秋館成均館事弘文館大提

學藝文館大提學 續纂會典於是是告請釐正改願

後後奏請使使如請齋韓先生例忠金自庵練諸賢皆時前
撰職則先冲齋韓先生例忠金自庵練諸賢皆時前
以請贈職載于錄丁丑年以職無所憑據故今
毅宗皇帝崇禎九年 仁祖大王 丙子樹碣于墓左

齋仲野先生仲氏弟數年來相繼淪謝次野之韓山李
君仲野先生仲氏弟數年來相繼淪謝次野之韓山李
來請墓文而野不弟數年來相繼淪謝次野之韓山李
聞秋又纔服而野不弟數年來相繼淪謝次野之韓山李
泉下之魂而野不弟數年來相繼淪謝次野之韓山李
不先速者蓋先生復也云爵早間其時故也嗣子而
幸而逝墓文因人海昌撰陰記見附錄○裕後始具
石而屬姪舍人海昌撰陰記見附錄○裕後始具

議公命抄 啓東國先賢先生被選與禮曹弘
字公命抄 啓東國先賢先生被選與禮曹弘
文館同議抄選自新羅崔冲至我朝
鄭速凡五十六人先生居第二十三朝

陰崖集 年譜 十七

崇禎甲申後三十八年

肅宗大壬戌告祠不祀以先

宗誣之功 宣廟朝有廟主不祀之命至是

年先生五代孫參奉晚祥以親盡不祀告祠

先祖年譜舊有一本蓋未知出於何時而踈略

太甚讀者病之嗚呼先祖立朝十六載歸田十

五年 朝家恃之以著龜士林仰之若喬嶽其

懿德偉蹟炳炳表著者載在 國史固可以歷

千劫不磨而但家乘經兵燹散佚無一見存今

距先祖之世為二百十有餘年往者漸遠來者

益忘幾何不至於泯焉而無所尋逐則是豈不

大可懼哉於是不肖敢忘僭猥蒐摭先輩文集

及雜出野乘凡事關先祖者輒皆劄錄積費年

所今纔編輯粗備譜體而吾東文獻蓋多無徵

諸家稗說又未博考本末事蹟既不得纖悉採

錄官職履歷亦多有不能詳而闕之者此尤可

痛恨也已然視舊本稍得其詳猶可為後孫之

羹牆則亦可謂幸歟舊本不敢沒之仍附于左

以備參考且遺稿及言行若干錄分類作編僅

成四編係之于下而或搜覓於謄傳塗抹之中

或哀集於記誦斷爛之餘漏缺居多訛誤相承

而填補無階考證無所不得不因其疑而存之

以埃博雅君子之釐正焉 崇禎甲申後百有八年壬申六代庶孫道興謹識

舊本

成化十六年庚子 公生於漢都

弘治六年癸丑 公年十四歲趨庭于三陟府治

上頭陀山中臺寺作萬言書欲

獻

弘治十四年辛酉 中司馬試

弘治十七年甲子 擢文科壯元授司憲府監察充

千秋書狀官比還拜吏曹佐郎

弘治十八年乙丑 為便養出為聞韶倅盖大諫公

初謫龍宮尋移星州時也

正德元年丙寅 為陽川未赴授弘文館修撰

正德五年庚午 冬丁大諫公憂

正德六年辛未 春廬于龍仁器谷里

正德八年癸酉 春陞副校理副應教司諫院司

諫

正德九年甲戌 八月居大夫人喪

正德十一年丙子 冬復授應教陞典翰直提學

正德十二年丁丑 夏陞副提學移右副承旨

正德十三年戊寅

五月辨誣時薦擬副使遂入

京進奏即奉 俞勅回江超拜

漢城府判尹

正德十四年己卯

三月遷刑曹判書尋為議政府

右叅贊己卯禍起坐累退居陰

城自號陰崖謝絕閉杜

嘉靖八年己丑

移卜忠州獺川上游之兔溪舍

號夢庵自號夢翁又自號溪翁

與李校理灘叟先生一棹相就

窮研道義樂而忘憂

嘉靖九年庚寅

臘除日有自叙行狀

嘉靖十二年癸巳

十二月十五日易簣

陰崖先生年譜終

陰崖先生集總目

卷之一

詩

賦

卷之二

策

疏

書契

書

記

陰崖集

卷一

總目

跋

箴

上樑文

碑文

卷之三

日錄

雜著

卷之四

附錄

陰崖先生集總目

陰崖先生集卷之一目錄

詩

五言絕句

寄申秀才 漢

久旱驟雨

霰 二首

五言律詩

顯德王后移柩 顯陵輓

次泰川客館韻 許知事輓 二首

陰崖集

卷一

目錄

一

輓人

紀行

呈仲氏 四首

卽事

題庚寅曆

卽景

懷兄

先考忌日感懷 二首

悼叔氏 四首

成廟忌辰有感 二首

臘日詠懷 六首

臘雪 二首

雨後漫吟 三首

人日詠懷 四首

秋月 二首

晝霧

夕雨懷人 二首

五言排律

奉酬 聖壽無疆詞 八首

贖金子裕 緣 之榮川郡

書懷別家兄

五言古詩

登鐵山北原與主倅朴仲通及柳彥仙小酌

書鐵山倚枕

申典籤輓名逸

題己丑曆

古意

移卜兔溪二首

早餘暴雨

卽事

兩馬行

陰雨

移栽栢樹

漫吟

樊姬

史氏女

伯宗妻

夏姜

無塩女

秋胡婦

漆室女

宿瘤女

樂羊子妻

老萊妻

浣紗女

緹縈

杜泰姬

桓氏

范滂母

文姬

皇甫規妻

馬融女

梁鴻妻

王霸妻

倪氏女

夏侯令女

周顛母

羊氏

董氏

李氏

程氏

李氏

程氏

楊氏

夢遊槐安有感

七言絕句

端午帖子

林畔館夜夢友人

獨坐龍川小軒

十五日望闕禮

欲往香山邀辛明叟熙貞六首

遺權仲虛撥近思錄

謹承次稼亭韻奉玩感愴更續元韻以呈六首

稼亭集有寄示兒子兩首今亦示諸子二首

題文君詩錄後并序

寄申秀才濩

聽蛙

歎世三首

七夕二首

答人問臂病

感懷

飲酒 二首

卽事 三首

悼友

夢庵幽居 二首

釣魚

雨後

途中咏雪 二首

送人

江洲

憫旱

微雨

晴江

七言律詩

端午帖子

丁丑上元 賜柑命並用陸績懷橘故事

翼日又 命以陸績懷橘為題用前韻

有感

題甲申曆衣 二首

霖雨

雪寒

謝人來訪

述懷 二首

歎衰

中元夜有感

讀楚辭

漫吟 二首

輓友人 二首

自歎

別人

七言古詩

雲夢

題庚寅曆

燕子篇

賦

遊海賦

王霸賦

陰崖先生集卷之一目錄

陰崖先生集卷之一

詩

五言絕句

寄申秀才漢

論君斗以南猶是着風衫望道如嫌遠省身要日三

久旱驟雨

天心如有靳雨意更多違未慰三農望翻成一霎歸


霰二首

落地旋成雪飄空漫撒鹽陽和將布滿潤物屬厭厭
洞壑微微見峯巒皚皚新憑軒論逝水真箇夢中身

陰崖集

卷一

詩



五言律詩

顯德王后移祔 顯陵輓

扶日升黃道乘雲事異宜理當歸有極天合照無私
宗社開新慶乾坤定舊儀微臣陪素仗和淚寫哀詞

次秦川客館韻

龍荒為客久飄蕩任西東藥餌徒增病貂裘不禁風
長江圍作帶塞月隱如弓昨夜萊衣夢分明事轉空

許知事輓二首

志大兼任重青年拜上卿文章傳後輩高義孰先鳴
已矣人難贖如何鬼數冥薤歌輓不得曉霧濕銘旌

溫藉仍家世清時作鳳麟任兼材共大命不力相因
天奪今何遽人從故得新那堪更執紼衰淚滿衣巾

輓人

行年七十九天地一遺民即寓為真宅忘形任本身
門楣多秀發家業更清貧終始哀榮盡輓歌摠搢紳

紀行

渡口舟初繫城頭日欲殘角聲生戍店烽火照關山
地白霜華重天清夜氣寒始知江路險衣濕浪花斑

呈仲氏四首

枝間占喜鵲天外見親書有淚迎來使無言病索居

海風吹鴈去荆樹着花疎器谷他年夢明知不落虛
炎海三年謫陰崖一畝宮尺書豈易得千里自難通
夢覺知身遠行迷哭道窮臺頭端在此致意有興公
鴈行忝末後衰柳覺先秋致寇蒙寬典興戎戒遠猷
松楸阻歲事祠宇闕時修子子將孤影臨風不自由
一體知天顯臨危見至情精神難重隔魂夢自孤征
書札憑歸鴈飛鳴伴急鷓心知遲暮色終始誤虛名

卽事

池平知守分水注待盈科雲影本無迹天容長不頗
酒醒神散朗詩就坐婆娑此是人中景聊焉滌百痾

題庚寅曆

死生無定質虛實有難明剩灑云亾涕欣聞自在生
文星光燄燄玉佩響丁丁見說斯爲吉彌年退一庚

卽景

住杖立荒逕天容正穆淵山留襞積雪池活鑑空泉
陰日疎靈雨愁城破酒權茫然如有待還欲廢書眠

懷兄

去住俱爲別存亾重在兄終南修祀宇器谷汎墳塋
舊國春容好窮家餓色輕傷心流落羽行斷不成聲

先生第在終南山下泥
峴先塋在龍仁器谷里

陰崖集

卷一

詩

三

先考忌日感懷二首

諱日重合恤殘生頓覺衰流離供草薦冷落負民爨
燭盡看孤影天明慟子遺終南無復夢悽切不成辭
爲子不稱孝終天歎匪人失身忘厲揭迷學且遭迤
入地應多愧求仁更失親蒼茫風雪夜獨坐待明晨

悼叔氏四首

移荆曾共悴失路更分張永隔浮生夢俄遷中月喪
存亾情屬屬終始事遑遑獨向陰崖哭無從拜弟行
器谷松楸密丘原雨露深兄先安體魄弟復委身心
泉下期無遠人間力不任向來同草草何處聽徽音

白髮多危涕浮生更愴神此身曾是子何物認爲真
雪塞南關冷魂迷斗柄春存亾俱不競揮涕仰蒼旻
楓前同老計柳下共吟詩索莫成丘土差池且歲時
鷓飛思急難鴻叫想遵儀禽鳥無情物惟應識秉彝
成廟忌辰有感二首

棄弓垂四紀餘澤及烝黎日表曾親望宸闈每首稽
恩威昭異俗禮樂動坤倪典則應千祀三韓壽域躋
東海悲今日三吳號少年積雪迷山逕窮陰閉火泉
微臣蒙教育昭代早騰騫一掬 宣陵淚曾將甲子
賤

臘日詠懷六首

萬事應無悶浮生且一年推遷初不計笑哭苦相牽
志業隨緣盡形神對影偏風窻呵凍筆殘臘正旋旋
火滅銅爐冷風饕雪屋貧殘書看又廢酸酒飲還親
聒耳兒呼飯攪眠鼠齧茵厭厭看歲暮耐久不材身
古人稱伏臘衰世重追隨雪塞袁門閉冰堅戴棹遲
香烟裊硯屏塵網蓋床帷兀坐如枯木兒童喚白癡
文史三冬事衰遲半百人眼昏妨細字身廢阻姻親
引領看孤鴈冥心向北辰行箴無固必生死有蒼旻
歲盡看新曆孤形憶遠人丘原風號木鴻鴈影分身

崖雪隨陽薄岡松待雪真蒼茫如有待殘臘見王春
髮短無餘白心存有底生推遷今已久咎悔最難明
歲儉人情苦村荒物色輕雪消風漸暖蟲蟄幾時驚

臘雪二首

同雲被野黑密雪映窻明竹外饒寒色松間雜翠聲
全沉塘水冷飄轉坎坳平臘白從茲數要須到有成
卧雪門無迹當寒病有浮餐旃思北海擁馬想潮州
覽物還多感懷人不自由剡溪餘興遠誰棹子猷舟

雨後漫吟三首

欹枕聞川瀑孤吟歎索居雨荒庭畔菊風捲案頭書

病廢身仍在，訂謨計本疎。甘霖施霈澤，南畝且携鋤。
溪喧如得意，蟬噪且乘時。物理互推測，天心無改移。
雨深苔溼，波急釣磯危。冷缺看缺變幽明，要勿欺。
久陰初見日，多病更離群。喜氣聞鶯鳥，韶光動竹君。
魚潛爭出隊，蛙怒卻成軍。孰說長安近，無由望五雲。

人日詠懷四首

新年人日雨，多病寓夫情。歲儉甘溝壑，民勞最獨犛。
春暉應未遠，藜菜覺無平。僂歌鴻鴈天，心本大亭。
風土多占候，荊州記歲時。謂人當此日，如雨詎休期。
土潤年前雪，泉留凍後池。支願看物象，聊復斷吟髭。

春入無乾地，人衰剩斷魂。眼昏妨看字，脚痺懶窺園。
塵案排殘冊，風泉響小軒。此時君更病，懷抱向誰言。
萬象迎春氣，孤生守涸陰。病多仍廢酒，詩溼且鳴琴。
嶺雪愁南鴈，溪風動越吟。何時尋釣伴，烟雨一江深。

秋月二首

秋月十分好，清光此夜奇。映江波動盪，臨宙影參差。
髮白知無忝，心真要不欺。旅魂老易感，吟嘯自多時。
雨後秋天淨，江間宿霧披。當空懸素月，入照見毫釐。
隻影窻間在，殘書暗裏窺。悲吟無與唱，蟲響當墳簷。

畫霧

江霧重重暗寒風陣陣吹依佈看近岫晡屬朝曦
秋雨應澄霽天工合轉移露珠垂白髮亭午坐如癡

久雨懷人 二首

積雨彌旬日餘陰弄化元泥融應泄地川漲欲爭原
久隔論江興翻嗔對俗煩茅齋長入夢畫戟正當軒
絃歌今罷滿簿領想辭勞過嶺無多遠交龜未即惱
茅齋猶可宿春水自容舸信處鴻遵渚殘魂誰永號

五言排律

奉酬 聖壽無疆詞 八首

代是文明晝春當燕喜時爐烟添柳重宮漏出花遲

漢典方寬律周官正采詩碧霄傳鳳吹紅旭在龍旗
造化膺神器陽和沃 聖慈無因隨百獸率舞在丹
墀

文物京華盛謳歌國步康瑤池供壽酒銀漢麗 宸
章雨露含雙闕雷霆肅萬方代推仙祚遠春共 聖
恩長鳳宸臨花暖龍爐傍日香遙知千萬世天意奉
君王

日上蒼龍闕香含紫禁林晴光五雲疊春色九重深
賞協元和德文垂雅頌音景雲隨 御輦顯氣在
宸襟永保無疆壽長懷不戩心 聖朝多慶澤瓊樹

粉墻陰

雲陞臨黃道天門在碧虛大明含 睿藻元氣抱
宸居戈偃征苗後詩傳燕鎬初年華富仙苑時哲缺
公車化入氤氲大 恩垂浚泮餘悠然萬方靜風俗
挹華胥

玉漏飄青瑣金鋪麗 紫宸雲山九門曙天地一家
春瑞靄方呈異暄風本配仁巖廊開鳳翼水殿壓鰲
身文雅逢昭代歡娛及賤臣年年未央闕 恩共物
華新

鷓鴣形庭際軒車綺陌前九城多好色萬井半祥烟

人醉逢堯酒鷓鴣歌答舜絃花明御溝水香暖禁城天
錫宴文逾盛徵歡物更妍無窮艷陽月長照太平年
垂拱乾坤正歡心品類同紫烟含北極玄澤付東風
珠綴留晴景金莖直曉空發生資 聖德交泰讓全
功間氣登三事祥光啓 四聰遐荒似川水天外亦

朝宗

睿德符玄化芳情翊太和日輪皇鑑遠天仗 聖朝
多曙色含金榜晴光轉玉珂中宮陳廣樂元老進賡
歌蓮葉看龜上桐花識鳳過小臣空擊壤滄海是
恩波

陰崖集

卷一

詩

八

贐金子裕緣令公之榮川郡

神從崧嶽降天挺甫申生志節千句重才華百鍊精
霜蹄騰步遠雲翼占衢亨再售崑山玉重題鴈塔名
黃金優樂毅白璧賜虞卿劔履辭溫室絃歌屬武城
還欣毛檄捧堪詫竅琴鳴好作腰龜返新添衣錦榮
恩光無此日朝野羨茲行已播蒲鞭化今看竹馬迎
平反開一笑甘旨養三牲按部褰簾靜升堂舞彩輕
稜霜摧老猾膏雨達勾萌導窾刀無頓繩邪水至平
割雞才暫試馴雉政應成擬見徵黃日爭陳借寇情
都門車幾兩祖席酒千觥顧我曾傾蓋中年幸識荆

嗟方縻劇務恨不拜離程別後遙相憶臨風願寄聲

書懷別家兄

幽居人不到衰跡鬼先欺對景還如夢冥心反類癡
目寒南嶺雪情極蓼莪詩終鮮惟兄弟斯征費日時
會合誰曾料淹留亦未期風窻常共倚月櫂或同移
斫膾登盤細持杯荷鋪隨虞供林樾數鷹擊澤梁雌
野萊從隣饋塵書信手披只應甘寂寞非敢寶瑰竒
亂坐溪邊石長吟漁父詞翠壁松爲髮晴江柳作帷
引賓通燕處撐艇上清漪得句旋題紙留樽且着棊
羨魚唯結網須醉或餽醅維舟遲暮返卽席恨將離

景象皆湛樂遇逢盡坦夷庭除恒接武吟嘯共揚眉
射矢幾青麥徵歌換魯辭百年誰更數萬事自無涯
曉霧看開合巖花見盛衰人間朝暮變忙裏隙駒馳
謬作虛名使終孤實踏規

五言古詩

登鐵山北原與主倅朴仲通及柳彥仙小酌

西荒爲客久鬱紆逢秋老連朝瘴猶昏嚴霜戒百草
時序自寥落詩酒廢尋討賴有鐵山守宿昔同懷抱
北原更竒絕清高近秋昊爲眼不較力登臨舒我恹
四野曠無涯天風同浩浩海潮壯欲滿隱隱羅遠島

主人強我醉醉眠何太早平生柳彥仙力學有深造
飄零天一涯荒戍橫竒寶相逢地盡頭杯酒甘潦倒
共將磊落語豁我窮愁惱蒲柳易摧折世人誇美好
寒松閱四時自是君子道

書鐵山倚枕

客枕本無穩况逢秋夜長殘燈照四壁孤鴈行負霜
思親當千里國事猶未遑中夜耿不寐反側勞寸腸
惟餘俯仰心不欺愧爾良

申典籤輓名逸

脩短固有命禍福互舛施有美申大夫奕世仰風姿

潛德隱下僚責報在期願夫人有宿德中饋自結禱
琴瑟樂且孺信厚宜螽斯伯號五總龜季稱良白眉
門闌喜色動福履推一時如何染一疾遽爾與世辭
夫人慟不裁卻藥甘同歸託體同殯葬百歲定前規
融融地下樂感感人間悲如我子弟列呼痛詎有涯
帳望東原路執紼淚沾衣

題己丑曆

行年今五十自笑余生渺在世已無聞入地稱不夭
栖遑口腹養咕咕了昏曉士生天地間亭亭萬物表
富貴與貧賤不變強哉矯浮沉聲利中何異女蘿薦

早晚不自重老

缺

鋤耰是本分莫使爾人擾

除草要去根培民其同少善惡不相饒此理如日皎
卽事道斯存不必究深窈人心甚危激利欲來相勦
把持少或怠百病更纏繞庶將銘朽骨夙夜張幽眇

古意

衆鳥去空場積雪寒風至鳥去自無粟風至偏多淚
男兒志四方稟性何竒粹少小不自重泛愛無偏陂
結客少年俠黃金輕一醉披猖抵晚暮落托

缺

宦遊旣乖方歸田終似寄咕咕奄一紀俯仰心獨愧
欲死旣難裁謀生期一

缺

咄咄今奈何浮生已云忤

歸來反田畝子子身如寄撫劔歌激烈淒風吹薜荔
萬事且眼前百年空自累

移卜兔溪二首

庚寅五月晦野老來營此庵名號爲夢生死均一視
荏苒五十年有若風過耳賦性本疎緩榮寵曾謬被
冠紳立朝端舉動見麤鄙微誠在致君愚賤忘原始
睢盱患至掇三禡不容咎驚麇隱叢薄利鏃從佞擬
委身任咀啖十年伏田里逢人盡按劔處物勞骹骹
尋幽適有會以下
結屋山澗曲風日喜舒遲春禽不擇樹夏席隨陰移

楓江照曉天雪爐熏羊皮逍遙且于于百歲誰能期

旱餘暴雨

久旱雨爲喜旣喜還嫌暴田畝亂縱橫草木蒙泥潦
嘉禾沒浮苴怒蛙鳴沉竈崎嶇峽路缺倦僮煩指導
天心本無偏予奪誰所操膏澤靳已甚厥咎疑常燠
施恩大無漸詎宜稱不冒沮洳且云已所保唯高燥
十年事農功雨暘難恰好前歲偶豐熟老弱免顛倒
只今藉餘資饁餉相勸勞餘禾尚未殘勦力無永號
登場具雞黍迨其田賽報

卽事

秋氣集清晨禾黍已映道驅馬覓何事悠悠抵迴島
巖巒缺容色水石恣清皓草屋更孤騫坐對千山腦
圖書亂自在雲物來顛倒應接自無暇虛徐費探討
天容正淡蕩新月應更好不分塵網中擺脫收身早
忘機任嗜嗜死生同浩浩灘北有畸人歲寒期相保
臨江偶連陂不見心慄慄驢聲倘入谷出門當卻掃

兩馬行

兩馬迨俱壯蕭蕭立秋風材力各有稱舒縮自不同
一馬向北鳴欲蹴層冰空一馬飽枯草甘與鴛長終
得失竟莫論物性自難窮

陰雨

人日到穀日霏昏如盛暑霧暗不見物雨深溪始語
沉浸抵十日雪霰替來去潛消濕后土咫尺成脩阻
春事始發舒未應雪如許地道貴鎮靜泄闔自有序
去年春夏旱哀哀我稷黍萬姓填溝壑困倉號飢鼠
今年雖小稔未免成淪胥人穀兩日雨無乃非其叙
膏澤盡蕩逝黃流汨洲渚病夫依杖立悶默徒疑行

移栽栢樹

斲取數丈根來伴幽人貞物性貴自遂移奪初非情
亭亭缺陽山顥氣接太清繽紛多仙侶白日聞蕭笙

珍果自海中一餐期長生遺此數粒種仔看千歲榮
野人學方朔竊懷以屏營神光射蔀屋雲物來逢迎
栽培為缺相霜雪資玉成野人讓夢庵馱牛手自擎
蟠根已損弱骨節多縱橫移種已缺立枯應無羸
慇懃謝野翁取舍何太輕取之豈為珍舍之誰有爭
榮枯自有數缺在俄頃庵翁缺幽獨驚倒寸心明
分植夾兩祀捧土缺其莖神明倘護持臭腐還芳馨
况此歲寒姿夙昔抱孤糝婆娑對終日已覺風有聲
庶幾保厥終持用慰惇惇

漫吟

優遊樂卒歲不復念故居覺來情無興床頭有亂書
禽鳥且勿喧聽我以下

樊姬

君王好武功所戒在禽荒藥言不見售絕肉仍格王
咕咕虞丘子俯仰媚寵光卒得叔敖賢玉帛趨四方

史氏女

擊漂瀨水上偶然逢國士壺漿慰出亾非敢要後利
區區戒勿露疑我有彼此一死在眼前庶令免乎耻

伯宗妻

危邦吾欲避良人好巨辯尊嗜洽群枉患至圖不見

托孤賴得賢宗祀垂明薦義聲動前後豈特稱淑媛

夏姜

夫人守一節萬古垂彝倫
瀾瀾江水深浸浸臺欲淪
移步可偷生無符寧屈身
江流無歇時令名同齋齋
無益女

宣王疾好色鍾離以醜進
激昂在不善虛受亾改吝
開門禮衆賢鄒孟陳堯舜
沉痾不足治徒然慕齊晉

秋胡婦

五日作君婦五年君始歸
慈母正倚閭奄迫西山暉
君持二三德賤妾尚何依
一死不足惜清江無是非

漆室女

古人重宗國嫠婦不恤緯
沉幾漆室女長嘯吐鬱沸
危辭旣爲毛肉食方忌諱
一言激命薄君子方無畏

宿瘤女

夫人專受教君王能採竒言
合不待言刑家缺厥師
君子故自重契合無差池
耕莘與釣渭不遇寧缺飢

樂羊子妻

世人重一金拾遺非深污
賢婦耻苟得僮勉事訐謨
斷織規積學凜然不可渝
立節死卽安特用立懦夫
老萊妻

結髮爲夫婦相將以道義如何不自重甘受楚王餌
富貴一濡足生死終爲累畚萊以終身庶幾無厚愧

浣紗女

從人應以禮事母當盡節夜浣朝成布神明應助哲
甘旨庶無關寸誠顧皎潔母歿更無托葬畢投水滅

緹媵

生女世不重况當緩急用垂髻扣漢闕歿身言爲重
懇惻合慈仁生成人共誦因缺除肉刑錯綜多刑統

杜泰姬

生男教以義生女勉以正七男與七女僮勉循性行

人人苟自治不出家爲政絜矩可治平君子應致敬

桓氏

父母以慈道君子以義規妾旣委身歸清約當共俱
布裳與鹿車其樂矢不渝良人幸無貳守分應不污

范滂母

生子教義方立朝頗激仰埋輪激頽漢黨議起群枉
甘心就屠戮拜母陳慨慷母言旣無憾入地應相獎

文姬

阿爺旣許國歿身寧顧後宗祀重在燹托孤應不苟
敦勉付王生庶得期永久存誠事遠大令名終不朽

皇甫規妻

君子西州豪清流耻不與投身事兵戈昏霧期清霽
耿耿千里草舐舌期吞噬惡言又及耳速盡寧非計

馬融女

婦人既從人死生應不違况君激清素賤妾應無非
相將思古人庶得垂芳徽袁門遂以大四世仍黃扉

梁鴻妻

貧賤士之常富貴倘有來樂只霸陵山有臺仍有萊
犁鋤雜琴書賃春德不回舉案禮彌篤兩美誠休哉

王霸妻

與君志清素軒冕如臭腐兒曹弱喪守碌碌無所取
何容遽自失掩義私嚴父咄彼墻間醉高人應閉戶

倪氏女

此身既許君所欠唯以禮從人苟無禮均之為失體
為君反見逼一死寧無底委質便受戮千古同垂涕

夏侯令女

身為曹氏婦死生理無改父母不諒人兩髦如有待
夫家况夷滅宗祀重我在毀形以歿身庶幾無後悔

周顛母

貴人不自食具飯非為媒情嚴偶見賞許身寧以財

門戶久不振庶可起顛頽兒生盡卓犖輝映聯三台

羊氏

舉世盡冒昧夫人能見微曹魏不善建大運無重輝
代親自有感失喜忘朝譏譽譽辛佐治睢盱迷是非

董氏

君爲國貞臣遠謫無怨悔妾豈不自重容改心可改
束髮以寸帛矢死安能免二紀竟全璧兩美還相待

李氏

女行貴貞一可殺不可辱蒼黃抵逆旅頑犢肆兇毒
此手既汙人寧將肌理屬揮斧去所痛皎潔生死足

程氏

將身事君子夙昔慕清操存亾理無隔敢以非義冒
賻贈雖云禮守分神所勞持廉以歿身九泉應相告

李氏

闔門已許國授命非所難勝敗不可常扶携抱辛酸
被俘又見劫就死真所安軒軒天壤間風聲垂不刊

程氏

程氏嫁大蘇兩美天作合良人志四方負笈不家食
恩勤教兩子經史與氣節母子許范滂千載猶感激

楊氏

揚氏本名家詩禮家庭聞兵戈亂縱橫棲遲雜獸群
口誦授子書語孟歐蘇文華聞擅一時懿範垂云云

夢遊槐安有感

槐安接睡鄉木道通邯鄲神遊不知疲意得亾悲歡
俄頃擢科第怡愉做高官州縣漫勞人簿領摧心肝
不分近天光環佩鳴珊珊恩光溢閭里夙夜趨金鑾
撫躬不知効手撫頭上冠漢業自明昌賈誼空長歎
夸夫逐白日愚公移北山是非方紛紛遽然神已還
榮辱已飽更世味空藥藥真假竟亾羊達人當大觀
七言絕句

端午帖子

百年文物屬亨嘉萬壽無疆配泰華競渡從來哀直
諫攘兵要爲不忘遐

林畔館夜夢友人

時○林畔館在宣川

空館無人夜向深青燈明滅更悵悵故人千里勞神
想慰我窮愁半夜心

獨坐龍川小軒

連朝吹雨瘴烟昏鼓角荒城早閉門日暮思親愁欲
絕小軒聊取酒微醺

十五日望闕禮

陰崖集

卷一

詩

十九

不才久污侍從班
衣袖渾承雨露溥
此日窮荒空戀闕
中庭獨立影闌干

欲往香山徑赴寧邊
因雪深未果還出秦川欲

從雲山往香山奉邀辛明叟

六首

天公惡劇本多端
好事從來苦索瘢
咫尺妙香空夢想
夕陽山路更漫漫

一笑相逢事亦奇
天涯歲暮客歸遲
名山有約容吾輩
造物多猜未易窺

雪後山容似劔戈
石門斜日影婆娑
光缺凌亂寒難

定病客吟肩獨聳牙

一雪何能阻我行
山靈應爲導先聲
勸君勿憚衝泥苦
要看山中雪月明

快士青油多暇日
朝雲初合降仙樓
香魂到處迷春思
一笑三年有莫愁

藥山本是神仙窟
一眄猶堪斷鐵腸
可惜明叟非具眼
從教西老更鴟張

遺權仲虛撥近思錄

篋裏行裝三卷書
慇懃寄與故人居
治民正賴治心法
寬猛兼施莅政初

謹承次稼亭韻奉玩感愴更續元韻以呈

六首

六代祖稼亭文孝公在燕京時有次家兄韻矣
先生仲氏參議公次稼亭韻寄先生先生奉次

文孝文章敵兩都命騷為僕敢辭勞金臺忽起鷓原

思玉札憑傳一鴈高

海東星氣射燕都金馬文昌屬望勞遙望白雲仍陟

岷巫間山色入天高

祠宇淒涼隔漢都歸心日夜逐勞勞不須化作身千

億迦葉遙同白岳高

自註家北有迦葉山天晴可望漢都

珍重河橋一字書世間榮悴屬遺餘天倫今古無豐

畚看取苔磯對釣魚

晚歲虞卿學著書縱橫文史費三餘開緘忽見竊尊

語愧殺長為冰底魚

平生謾讀五車書遺棄精神食緒餘畢竟浮沉無定

力不堪隨處泣枯魚

稼亭集有仍前韻寄示兒子兩首今亦示諸子

用勗之二首

冠蓋紛紛集上都名場馳騁死忘勞文淵不待壺頭

困訓誡丁寧在伯高

馬服徒能讀父書口談兵略是麤餘傳神最在忘言

處芒刺猶能引巨魚

題文君詩錄後并序

陰崖集

卷一

詩

二十一

予始見文君名于史牒意以為因木綿而著者也及今見其孫致昌序語與諸名勝述作乃知論事不苟真能自立者也收種囊橐時養階土本非有意於及物而衣被生民之功因文君而始則其褒官澤後之典殆非僭也大抵功利之及人者淺則易顯深則難言當麗季板蕩之日能扶植彞倫幹運天地使斯民知所向往者豈無其人而顧眷眷於一節之忠君子以為不知類也致昌親述祖父之迹以貽後亦可謂不墜實家聲矣兩君手迹

亦可見前輩好揚人之善也

按文公名益漸麗末人左司議

右文館提學至正甲辰奉使入元以公事謫于南荒其放還也途得木綿種子囊盛而來播我太宗大王追嘉公之功特封江城君公

南夷織貝貢虞唐流播東溟太渺茫先畚先蠶俱有

報文君應受聖朝揚

東韓開國幾千秋衣被生民自有由可惜文君囊裏

物翻成泉貨長繆悠

寄申秀才

漢

負笈軒軒申秀才來從多日笑談開春添物色渾依舊柳綠桃紅亦比栽

陰崖集

卷一

詩

二十二

聽蛙

雨餘風定一池清倚柱還真蛙亂鳴不問官私唯閣
閣且將泥淖溷孱生

歎世 三首

暮年心事屬虛徐閑看浮雲卷又舒蒼狗白衣多變
幻任教風雨似淪胥
夢罷邯鄲息萬緣去留無滯是為仙世間翻覆隨雲
雨付與高人一嗒然
世事從來不滿嗟鈇刀鑿鄧競雄誇應須缺
躓將伯助予終奈何

顛

七夕 二首

乞巧多年做白癡人間機變困支頤長門久閉無消
息應想星河有定期
一身孤特尚無訛今見天孫十過河此日洗香應有
雨會須缺足慰民瘥

答人問臂病

年老無成祇病昏重煩親舊問寒暄尚餘左手堪杯
酌凍雨聲中笑語溫

感懷

為人寡助每充充到老多虞只自攻歲晏陰崖天又

棄滿腔都是不周風

飲酒二首

平生唯酒是無違
董督松丘以自肥
衰病久爲人世
棄想應渠復晒寒微

天無私覆酒無偏
已向龍鍾有後先
乞與天公缺
十年容我酒中仙

卽事三首

水聲山氣惺人心
半夜無端起擁衾
讀罷離騷還漠
漠開窻曉色上幽林

灸背朝陽借晏温
百年心事正昏昏
椿筇且聽前溪

水日夜潺湲見有源

萬事駸駸死有期
殘書聊復供支頤
煩君且出東岡
待要看蒼鷹搏老雌

悼友

意氣平生百鍊剛
寸心怎肯更存亾
山陽舊宅何由
見淚洒殘書墨數行

夢庵幽居二首

茅齋楚楚映疎籬
翠壁爲屏江作池
案有詩書瓶有
酒陰崖活計已全移

暮年心事屬幽偏
每到山門思獨專
車馬本無猜不

起閒庭終日對書眠

釣魚

理絲為網志求魚還笑謀生老更疎厚味枯腸元不稱從今且治院邊蔬

雨後

終朝重霧隔前林白髮離披坐獨吟忽見江流肥數尺始知山雨這邊深

途中詠雪二首

馬上咿唔句未諧忽逢春雪更安排吟肩驢背渾閑事要看前林白滿叉

萬事悠悠已自知夢庵幽事久差池今朝拂袖尋前路又被天公雪作欺

送人

霏霏山雨淨秋林壁立江空曉色陰一揖送君仍倚柱晚風吹鬢起昏沉

江洲

山曲江心愜素期騎驢乘艇賞幽竒夜深坐石忘言處持火殘僮強報遲

憫旱

潛龍勿用久屯膏下土焦焦走望勞添丐廉纖終莫

救任教驕草滿東臯

微雨

江雨霏微晚更深
劔巖霜鏹半幽沉
暗中摸索渾閑事
且待當樽細討尋

晴江

枕藉羊裘卧石缸
白雲青嶂落晴江
人間自有真閑地

七言律詩

端午帖子

薰殿風微瑞日長
萬門垂縷艾花香
衣冠濟濟逢交

泰禮樂昭昭表熾昌
蒲酒遠傳千日醉
鑑心終見百年光
都人共道昇平樂
杯飲尾樽不用觴

丁丑上元 賜柑命並用陸績懷橘故事製唐

韻七律

春入仙宮瑞色晴
上元佳事屬昇平
堯樽共挹酬中使
盧橘分傳出上清
珍重似憐詞客渴
玲瓏猶帶去年馨
微臣俯仰辜天地
空憶當時陸子情

翼日又 命以陸績懷橘為題用前韻

陸子聲名動妙齡
烝烝深孝若天成
懷中的歷全苞橘
座上從容念母情
嘉寶不移南北性
純誠偏合日

星明黃柑拜 賜逢昭代愧殺前人不刊名

有感

疎懦何曾合 聖朝認忝 恩命近丹霄狂言落落
知無益 天鑑昭昭或採芻多口祇增憂悄悄甫田
終見草驕驕寸心向日同葵藿獨負墻陰望斗杓

題甲申曆衣二首

玉曆新從天際來王春再見蟄蟲坏浮生會有歲身
處世事那堪逐面猜雪月風花元自在貪嗔癡愛互
為媒陰崖三百六旬日好用工夫十千杯
人間四十五春秋生死推遷只一丘口腹隨緣添細

瑣形神相吊笑綢繆荒村屢見天元曆白首難乘海
上桴萬事唯應千日酒舖糟猶作醉鄉侯

霖雨

霖霖多日不成晴旅夢怔怔去復驚夜雨無常沾木
葉曉風多事雜雞聲溜滲敗壁蟲書字燈暗空廊鬼
念經鬢髮蕭疎將控蔓無勞衰白問新莖

雪寒

雪飄餘勢亂郊原寒日淒迷照壞垣香炷 缺 作
篆硯冰浮面欲成現尋詩每覺多生語顧影還慙未
死魂屈指間關行 缺 且將消息付乾坤

謝人來訪

風雪驚聞長者車，強扶殘病立庭除。
親聯內外推多，怙情到窮愁，覺有餘半日清樽。
蘇肺渴百年沉痾，誤名虛鄉村臘社，寧容我老子如今已把鋤。

述懷二首

簷漏丁東徹夜聽，此生消息付伶俜。
病乘衰替追尋，慣心向單生去，就輕少日讀書，知似錯殘齡。
服藥肯求羸，溪山若遂菟裘計，魚鳥還應識我情。

獨坐惜惜怯重寒，西窗落日照衰殘。
心從竹素閑來，往睡入槐安，暫團圓已判浮休，供歲暮肯將摧沮事。

儒酸一陽又見天，機變趁取春江理釣竿。

歎衰

顏髮詩書兩漠然，枯標相對日如年。
山庭過雨破殘暑，水面生風移小船。
濯濯秋容形樹木，巖巖壁色倒流川。
浮生此夢誠非惡，存歿由由任彼天。

中元夜有感

中元佳會爾微茫，不獨人違天亦荒。
月漏頑雲光暗淡，夢驚孤枕氣淒涼。
餘生落落同漂梗，萬事悠悠合面墻。
獨抱幽懷仍不寐，村雞催曉替寒蟬。

讀楚辭

陰崖集

卷一

詩

二十八

盥櫛清晨讀楚辭懷沙孤憤想容儀身輕一鳥青天
外義重三綱白日期賣國幾人容後福包羞千古亦
深悲至今臧穀無尋處獨抱遺文雙涕洟

漫吟二首

此身天地一蜉蝣吟作秋蟲死不休心事有期應寂
寞工程多闕祇優遊黃流汨汨爭高岸白鳥翩翩入
別洲着處幽閑矜是日百年疵吝付虛舟
牛衣煖垞稱閑身卧起由由不待人蔬食自能果老
腹荒詩聊可慰鄉隣圖書滿案還爲客生死臨關肯
逐貧康濟歲寒無長物樽壘今復聽留塵

輓友人二首

亭亭孤表映人倫講殿含香舊侍臣雪塞陰崖聞不
淑雲迷南海更誰因官緣寡合卑猶昔文本多才老
益新牢落曉星君又去此生何處見清真
少年風致比霜秋末路推遷滯遠州孤介本無功利
計精勤終托簿書休清詩出古多愈辦高論驚人早
不酬此日那堪爲位哭夢中儀範摠悠悠

自歎

浮生五十尚遑遑自笑無良更自傷文似侏儒唯戲
劇學如髦弁轉荒涼幽明永負趨庭訓終始難逃覆

餽殃點檢身心還不屬可能康濟鑄虞唐

別人

此生何幸際明時進極尊榮退委蛇稼牧從來吾有
守箕裘還愧彼無隳九原未卜隆隆夢三世空多缺
癡歲暮光陰如逝水朔雲寒月倍傷離

七言古詩

雲夢

天地東南有巨浸氣勢橫吞數千里憑凌翕取隨海
運燁赫險怪因風起陰陽闔闢在俄頃日月滅沒迷
彼此黃帝樂罷聲隆隆蒼梧雲斷愁二妃疏鑿勞動
不啻吞八九鵬搏九萬方未已

題庚寅曆

今年三百五十四幾番憂喜隨殘生筭來三十已前
事上有父母下弟兄怡愉膝下不知年接翅連行期
遠征中間變故百不諧失路一身長熒熒松楸雨露
抵自傷路田禾稼多未榮百年消息付牛羊萬事推
遷靡有爭免溪幽夢屬晚暮擺脫塵白登蓬瀛假我
數年已云泰大勝呶呶逐利名

陰崖集 卷一

詩

三十

燕子篇

燕子啣泥尋主人主人反惡泥土汙拂棲掃迹使之
去循簷逮逮頻喚呼依人作巢稱爾智人不爾容曾
不圖主人心事別有在絕境匍匐屏妻孥鳩巢百拙
抵兩年辦得一室如酒壚擬將餘生付冥漠左右圖
書雜釋儒閑吟不過一兩句闔眼坐睡成白愚一物
來干便不怡獨行江上時于于知爾來尋非俗情作
巢假息兩無殊慙慙喚我更離去膏唇舐舌期相屠
荆門不設畫尚靜鷗鷺無心立菰蒲傳聞洛中好第
宅舊日王謝如庸奴流亾塞道填溝壑丹青輪奐亘

街衢黯暗污濁盡茹納爾其好去長兒雛

賦

遊海賦 并序

甲子秋家君以前爲大諫時言事被謫呈山
一家遑遑皆以覲親爲幸余以吏曹正郎出
倅聞韶伯兄亦爲唐浦萬戶天日復開伯兄
尚戍窮海余馳往省之因遊海有感云矣

從伯氏於海嶠方涉溟渤之漫漫歎吾生之長勤方
羨輕鷗之占閑瘴氣薰芳鸞墮舟櫓危方心驚紛島
嶼之錯峙方儼絕壁之如屏蒼松方白石暇日方道

陰崖集

卷一

賦

三十一

遙歌聲嘹方鐵遂笑語頽其爭矯漁人截江而網魚
方宣計獲方盈舟物既多而且有方鮮味及於庖厨
銀鱸方雪縷决明方動甲蛟螭效奇而呈瑞方石鱗
窺人而潛伏蜃粧樓方如畫鯨噴海方似霧成垣麓
於遐裔方奈信羨而非吾土舉一杯而相屬方慰旅
况之孤危寄身世於清冷方接雲烟於島夷南人習
水而輕生方乘艤子而如飛擢歌發方雷振危檣懸
帆方去悠悠醉余枕乎舟中方因風上下方懷憂倚
人蹴余以快觀方况凡骨之已仙危巖斗斷而如鋪
方翠松矮老方其巔邈仙侶之無期方空白雲之渺

冥信景物之難名方夏未曾於瞻聆嗟風利而不泊
方寔見崇於巨靈俄而夕浪送潮方海雨吹腥篙工
狎翫方靈僭順令畫角聲高方日暮江城吁嗟我人
方太倉穊米得失焦其心慮方榮枯從其憂喜宦海
危於巫峽方人心險於九疑想夫子之乘桴方亦將
有感于茲設河伯之疑問方是蒙莊之雄奇達人之
大觀方貴明理而有得乘流方得坎隨所遇而自適
跨世如蛻方擬命若浮終吾生而徜徉方企余足於
前脩

王霸賦

王道平蕩霸道崎嶇王民熙皞霸民驩虞熙皞者繼
行驩虞者難繼故王保子孫霸不及世揣其高下夏
若天地尋其差謬只在誠偽三代以降漢得大抵然
縞素之舉非爲義帝三章之約寔出麤疎繼世之君
率循籛篠文欲王而無術武行霸而多溢宣無遠見
強辯曰雜自此以後昧昧無聞王霸兩字徒載空言
有宋諸先生曰邵程馬朱始啓關鍵乃開天衢邵列
秋冬程辨珙珙温公指名尚遺三隅考亭獨詣曰分
錙銖轉霸爲王名義迺見嗟嗟末世知道者鮮謂王
如天難容階級謂霸如地行猶踳踳以三代直道之

民爲一家圈豚之畜驅迫咀啖唯所意欲民侗而多
詐上臆而不信貪生而懦懦犯死而蠢蠢行不知道
出不由戶殘賊相尋亂亾如取嗚呼世主何憚不行
春秋一筆專是王經孟子七篇無非至理舉而行之
亶在於是

陰崖先生集卷之一

陰崖先生集卷之二目錄

策

輔相策

疏

請還收李岳職牒疏

請勿遣留館倭使疏

請還削柳子光翊戴勳錄疏

請遶宋軼洪淑尹珣姜徵等疏

再疏

書契

陰崖集

卷二

目錄

一

禮曹答對馬島主

書

與柳從龍

雲

與趙季良

廣佐

與趙仲翼

廣輔

答趙秀才

沈

記

瓜亭記

夢庵記

船板記

跋

跋麟齋遺稿

跋尚友堂詩

箴

如愚箴

上樑文

思庵上樑文

夢庵上樑文

碑文

贈兵曹叅判行承政院同副承旨李公碑文

陰崖先生集卷之二目錄

陰崖先生集卷之二

策

輔相策

王若曰國家之安危在於輔相歷代盡輔相之職者可得聞歟成王之卽祚也殷民未服王室未靖安危之機在於呼吸周公相之卒能轉危爲安以基八百之業果何道以致之歟其所以輔之者出於誠而然歟其輔以誠者果何事歟如霍光之輔漢室功亦不細而卒不如周公者何歟抑誠未至而然耶爲輔相者苟事君以誠能

盡其職則成周之治可復見於後世歟子大夫
研精古今其於輔相之道必有得矣其各悉心
以對予將親覽焉

臣對恭惟 主上殿下發德音策多士特舉輔相之
重期盡至治之隆皆非愚臣之所能及也然叨奉大
對噤嘿不言又非臣之所敢安也謹就 聖問所及
而陳之臣伏讀 聖策曰國家安危在於輔相止可
得聞歟臣聞人君之職莫大於論相相得其人則危
者可轉而為安相非其人則安者可轉而為危故易
以君子小人內外為否泰書以抗隍榮懷關於一人

保慎之道可不重歟所謂能盡其道者其在唐虞皋
夔稷契是也其在商周伊傅周召是也後世之人雖
或遭遇一時建立功業其所以相與之際俱非大公
至誠之道非臣所願陳於 殿下者也臣伏讀 聖
策曰成王之卽祚也止可復見於後世歟臣聞處聖
人之變備盡其道者莫如周公孺子卽祚同未枉位
三監倡亂幾危成周綿綿積累之業岌岌於居東之
日矣然公之所以處之者一出於誠故親迎出郊禾
木盡起八篇劄誥頑民率化蠢爾四國反比多士之
濟濟風雨飄搖乃成蒼姬之八百夫誠之實於中者

雖若甚微而形著動變之妙至於如此誠之爲道大矣哉至於霍光之於漢室授圖托孤固以周公之事望之擁昭立宣亦以周公之事許之然寬重忠厚之性卒不能變其樸陋無文之質謹慎出入不差尺寸之誠終不能掩其護衛縱侈之慾芒刺在背猶握權柄其復子明辟之義乎從顯邪謀陰肆不軌果三壇禱祀之誠乎其事君之際大略若是故施效亦異何怪其不如周公乎噫後之亮天工理陰陽者當思夫臯夔稷契之能盡其職者何道也後世之不能盡其職者何道歟苟知夫臯夔稷契之所以盡其職者不

出乎誠則當思其義爲司寇者當思其惟明之誠爲典樂者當思其直溫之誠爲后稷者當思其惟時之誠典民教者當思其在寬之誠至於四夷未服者思所以來之民之飢寒者思所以衣食之下至一命之士皆以誠爲貴有孚顒若而以漢唐以後之輔相爲戒則將見參贊化育之理於今之時矣何患成周之治不復見於後世也臣伏讀 聖策曰子大夫研精古今止予將親覽焉臣草茅賤士何足以上窺淵衷然犬馬之懷出於至誠有不能自己者故謹昧死上愚對臣嘗讀中庸魯哀公問政於孔子對曰爲政在

於得人取人以身修身以道其論九經亦曰修身也
敬大臣也體羣臣也夫聖人論爲政必以輔相之得
其人爲首而必歸之於人主之一身者何哉蓋人主
之身一有不誠則是非顛倒未必不以邪爲忠以佞
爲誠如播糠眯目天地爲之易位矣雖有賢者何從
而盡其職乎故爲人主者當思夫齊明盛服之道何
由而誠也去讒遠色賤貨貴德之道何由而誠也至
誠無間始終不息其難其慎惟和惟一則耕莘版築
之老何代獨無乎 殿下以輔相之道爲問而臣乃
以任相之道陳之者非敢贅 聖問也臣亦有所受

焉宋儒程頤有言曰欲致三代以上之治當任三代
以上之人物欲任三代以上之人物當用三代以上
之道臣故以是爲 殿下勉焉狂僭之罪固知不赦
仰望清光無任感激之至不覺言之至此謹對

疏

請還收李禹職牒疏 庚午

臣等伏以李禹本一儉邪巧險反覆小人務逞兇謀
搆禍朝廷雖置重刑尚有餘辜謬施輕典只竄于外
已失刑矣近日倭奴犯邊事起倉卒凡在流竄者許
令從征以功自贖獨於禹曲加 恩命先施原放又

陰崖集

卷二

疏

四

還職牒下

請勿遣留館倭使疏

臣等伏聞倭使之留館者皆命遣還是固施仁之大方一視之高致區區犬豕不足與較顧吾信義如何耳前日下臣等議臣等亦以爲固當放還然虜未悔禍再舉犯邊詐逆難測欲徐究其後而處之今也不知敵之淺深不規事之始終而必欲急聽其還臣等之所未解而其欲獨留而羅時羅者尤不審其所以也昔漢武帝連伐胡數通使相窺觀匈奴留漢使郭吉路充國等前後十餘輩漢亦留單于使以相當

及且鞮候單于初立恐漢襲之盡歸漢使武帝嘉其意遣蘇武持節送匈奴使留在漢者答其善意單于以爲畏已而益驕遂幽武等爾夫天漢窮黷之失不可擬諸今日最爾島夷又非匈奴之比然事勢之至古今何異對馬一島邈在海中力不能自給來輸誠款世爲藩臣國家待以無外含容覆育雖區域有限均是郡縣一朝潛師擾邊屠殺鎮將陷沒城邑悖逆之罪天地所不容其前來使臣若果無罪乃是吾民編諸郡邑以觀其終有何損於王度而急急遣還使助逆爲黨乎陷城殺將有甚匈奴留使之辱稱兵再

舉又無且鞮恐漢之心臣等恐小醜之長慢甚於單
于之驕漢矣且而羅多羅係出處島 祖宗朝賞紀
其功許令歲一朝見今以其往來三浦聚居淹滯必
知賊謀且有智計不宜資敵特留不遣

下逸

請還削柳子光翊戴勲錄疏

癸酉

左相鄭光弼 啓曰忠厚之風國家元氣柳
子光翊戴之功古今所無不可以其罪而削
勲 上議大臣而還錄之臺諫侍從文章論
列子光之罪曰以庶孽因時多故得售奸智
傾險喜事殄滅善類中興之時復叅勲列又

欲以傾危之習濁亂清朝放逐海濱將死數
歲兩目全瞽及其死葬軫不奔喪房不會葬
而自就滅亾軫迫逐老母刼殺弟房昭昭之
天其可誣乎

臣等將柳子光事連月伏閣屢蒙 天諭反覆思之
事在必爭終不能自己焉傳曰民之所好好之民之
所惡惡之此民之父母夫君上之好惡一偏則臣下
之趨向頓異今以一時犬馬之功欲掩天地難容之
罪急功利而忘大慙忼天討而賞奸賊孰謂 殿下
能明好惡之正哉設有一人有功可賞有罪可罰則

當酌其功罪之輕重而處之豈宜朝用罰而暮得賞
生示威而死施恩哉今大臣猥蒙寵擢無所建明唯
以還錄子光之功爲請 殿下聞而是之與議大臣
靡然同之 殿下便以爲朝廷雷同偏主先入之言
臺諫侍從伏閣請命而牢拒不回夫君相出言自以
爲是而人莫敢矯其非有國家之大患今幸有矯之
者而 殿下猶拒之是何 殿下之明聖而獨於此
事顛倒錯謬若是哉子光將死兩目全瞽及其死也
諸子自相屠戮以滅門戶莫非天也是則天之報施
不爽而 殿下必欲違天逆理以施非正直之恩何

哉臣等伏見古史誤國之賊無世無之而人君鮮有
知其惡者間有知之者亦不過斥退而既斥之後猶
有眷戀不能忘者雖在異世不覺憤惋况子光之事
目所親見今其餘禍猶未殄絕 殿下既知其惡矣
何不審其所處而遽欲追錄已削之功乎臣等恐後
之憤今亦猶今之憤古也伏願 殿下亟收成命以
快衆情不勝幸甚

請遞宋軼洪淑尹珣姜徵等疏

甲戌

臣等聞天下之治亂在朝廷朝廷之輕重在執政論
執政賢否進退者人主之職也是以古昔之聖王必

疇咨僉諧夢卜純善然後用之故圖任之道以慎擇
爲本擇之慎故知之明知之明故信之篤信之篤故
任之專擇之慎則必得其賢知之明則仰成而不疑
信之篤則體貌尊而其勢重任之專則責躬切而功
有成其相須倚賴之道固如是而已我國家設官分
職專倣周制今之三公卽古之太師太傅太保今之
贊成叅贊卽古之三孤三少今之六曹卽古之六官
也宜深求敦厚誠實廉節達理足以有爲有守者隨
其器能實諸列位使之上輔君德下固邦本如或貪
鄙無識重爵祿輕名義之人雜處其間則當之者亦

自知形輕易搖動惟顧慮上懷君心之疑下慮羣議
之奪苟爲循常以圖自安綱紀日壞風俗日渝非常
之禍伏於冥冥之中而上下怡愉自以爲得計豈不
痛哉 殿下臨政願治于今九年設施注措不以漢
唐人主自期而羣臣之承下風者未盡其人依違固
寵面諛背違虛拘文禮賢愚雜進大小有變色之諂
朝野多逆節之萌善祥不來災咎屢荐而使 聖上
夙夜兢業靡所底寧而至今規模不定至治未效少
有知識孰不思奮宋軼本無定性不關往來冒居儀
刑之地多招負乘之譏洪淑尹珣資望素淺不足以

辱台司長刑官姜徵異懦無守敢貳春官凡此數人
物論籍籍爲名器惜 殿下若以無大顯過含容並
受使 先朝責望致治之地爲庸鄙伴食之具非特
望治逾遠將日墮月墜君子耻於求進小人勇於浮
競頽靡之勢一形於苟且之際患失之風難治於已
成之後矣伏願 殿下俯循物情亟加權別解此數
人養望閑地明揚善類布列天位使三公統六卿六
卿統百官大小相維體統相制廓然大公儼然至正
則自然行其所無事而坐收百官衆職之諧矣臣等
職在言列自度論執細瑣不足上補涓埃謹緣物議

仰瀆 天聽伏惟 聖上裁覽焉

再疏

臣等聞爲臣而輕量其君不敢盡言謂之不恭爲君
而狎侮其下不肯聽受謂之自聖不恭者幾於賊自
聖者幾於亾故不敬之實一形於言面而賊亾之咎
必至於朝夕可不懼哉古者三公有缺不必求備非
爲無人可以苟充誠以上輔君德下固邦本非敦厚
誠實剛明正直可以表率百僚風礪四方者不足以
當之也且其進退之際觀感立異不惟賞之所勸罰
之所懲上之所好下必有甚焉者此古昔聖王所以

其難其慎惟和惟一唯以論相爲其職業者也今宋軼本無學術又乏操節迺以詼浪不根坐致富貴殿下不揆材望擢置宰輔遠近驚駭大小解體皆曰吾王之置相不惟其賢惟其庸不惟其廉惟其貪頑頓無耻者勇於陵競廉節達理者耻於進取朝廷日卑國勢凌遲上下偷安唯事諂媚未審 殿下何賴焉而猶且曲爲保護使播其惡於衆耶洪淑本非令器脅肩左右以取容悅叨列宰相不謹名行營索無厭多招譏謗尹珣以猥瑣淺材被寵亂朝一狎詩酒便加階級曾未期年驟至正憲中興之初猶未澄汰

屢膺重寄輒奏罔功冒列卿位人所指笑姜徵懦弱無立易動以利闇暗污濁不識名節凡此四人久辱名器曠墜天職政令無章刑罰失中綱紀日紊風俗日壞頽靡之勢已形於事爲而 殿下猶教以任用此人無妨政治不至禍亂臣等聞命駭惋不覺太息是必 殿下自恃聰明以爲獨運於上猶足撫摩一方凡庸醜無忤者皆可以備吾公卿也嗚呼 殿下擇三公六卿但取其無妨政治不至禍亂者則循默木偶之人皆足以充之何必較其資望量其賢否哉 殿下卽位于今九年望治逾遠責效甚迆者凡以

任用失當規模未定多聽而易惑聞善而不力牽補架漏以至今日臣等未知何政宣明而此人不足以妨之何禍不萌而此人不足以致之耶臣等俱以無以待罪言列見 殿下焦勞於上而臣僚舒肆於外公論拂鬱於下而缺獨蒙昧於上揣職量事不敢終默 殿下猶不惕然改圖夫論之而不爭又非臣等之職故兩司各於去三月十五日伏閣請 命今已二十有九日矣 殿下或緩辭以忼日或強辯以固拒臣等聞 命愈激不覺至此孟子曰不信仁賢則國空虛所謂空虛者非謂無人若貪鄙顯榮用舍顛

倒持祿容身者多則如無人焉今 殿下既空虛卿相之位每 教云朝廷蕭條尤宜保護嗚呼既不能登崇俊民使朝廷蕭然無所倚賴而猶欲以苟容庸鄙為保護朝廷之計耶 殿下若果以朝廷蕭條雖庸鄙如軼卑陋如淑猥瑣如珣闇劣如徵者皆足備吾之公卿則是舉朝之宰相皆以謂無人而苟充豈不殆哉 殿下又舉近來臺諫吹毛覓疵喜事輕駁之弊欲抑止臣等之言嗚呼臣等所言何事而 殿下乃以不計大體猶事日課疑之耶孟子曰訑訑之聲音顏色拒人於千里之外夫訑訑而不樂善言者

猶足以止士於遠今臣等論宰相賢否係國家輕重而殿下不但弛弛乃敢為辭以拒之臣等非不知逢迎上意俯仰權勢為可以取容當世其奈祖宗置官待士之意何其奈後世竊位盜祿之譏何古者有言責者不得其言則去誠以踈遠之臣勢不得使人主必從已之言言既不行亦難苟容故也今臣等欲去其職者亦以其言之不行爾殿下依違不決欲兩存之是殿下既苟容大臣又欲苟容臺諫也臣等雖無狀豈敢安處伏願殿下勿主先見更加三思臣等所言如其是也當亟遣四人之職以快物

議以勵風節如其不是也當治臣等妄言之罪不宜因循苟且污辱名器臣等無任戰慄之至

書契

禮曹答對馬島主

惟缺

念彈丸小島邈在海中無桑麻菽粟之

饒力不能自存來輸誠款世為藩臣國家亦待以無外聽其受屬之願約六十戶分居三浦其區畫處置已有定法使价之相望量其船之大小計其人之多寡船穀而哺之輦布而衣之猶慮奸妄孽芽稱使臣而無島主三着圖書文引者勿許橫行托不勝風浪

而潛持兵器者例以賊論居三浦者晝居海採亦有
常規若過關限示約不貸浸涵百年生齒日蕃奸狡
益甚成化十年甲午潛入沿海之地殺傷軍民劫掠
衣糧十一年乙未二月來寇長興河東南海等處殺
掠九人弘治十年丁巳二月來賊鹿島殺害將卒三
月寇多老浦突山島深水島酒島等處侵害邊民近
年以來橫恣日益丙寅九月缺朝人泊宿楸子島賊
劫殺之戊辰冬熊川縣人取材木于加德島羣倭殺
害九人已巳三月濟州人載貢馬而來泊于甫吉島
賊船五隻竊發殺害六人刃傷十餘人其怙恩稔惡

在所當討朝廷猶以為狼貪虎噬出於常性且非本
島所知姑置度外不與深較年前聞先太守訃殿
下嘉其誠篤遣使弔祭因宣諭足下已就海候風矣
豈意足下亦為凶徒所賣包藏禍心乘我不備盜殺
邊將陷沒城邑連屯不退慢辭要我以速天討乎且
足下之所以為辭者不過曰邊將撫御乖方尺量船
隻或非舊約計給月俸小致稽緩耳夫量船給俸撫
綏居倭是國家惟柔之缺邊將之前卻違制足
下自可申稟朝廷豈宜藉此而肆凶缺射官持兵
器擅越關限者登時捕治諸將已有節制尤不可以

此而生怨由是觀之足下之為辭者皆所以自辭其過也貫盈之罪不宜久追朝廷已決處置矣今來書契不必裁報第哀一島無辜之民並致焦爛故示足下以悔禍之端忘親背義天地所不容小大之勢逆順之理其審度之

書

與柳從龍雲

頃者良苦遠勞江上情地蒼黃未暇修謝今又攜家屬到京則聞君擔當大事朝夕伏閣此吾輩疇昔蓄積今日望君其有量哉大抵憚改作樂因循世俗之

見也此又挾先王之重擬無改之禮因陋遂非不以倡議於其間何恠乎正論之久不行邪說之敢譎張也幸今聖上有復古之風諸君在敢言之列宰相之是正論者率皆名望若又見阻於庸庸之論使大禮不正謬典不祛顯陵在天之靈長悒悒於無偶昭陵之魂抱冤於無窮則忠臣義士之目將何時得瞑於地下乎見歲時伏臘牛醫馬醫之鬼皆得具匹偶之歡享子孫之奉安有享宗廟保子孫於穆清廟肅雝顯相而獨享無偶之祀乎又况告廟之事出於大孝本非至難而議者難之是誠何心哉

父母有過爲孝子者當下氣愉色雖至於撻之流血而起敬起孝必置其親於無過之地然後已故祖父有過能反其所爲是謂蓋愆今指蓋愆爲暴揚謂先祖之所爲旣如是爲子孫者猶當掩護將遂之不暇嗚呼其亦不思之甚矣事有顯微理有輕重今所謂暴揚者果何事而將護者果何理乎襲先祖傷孝道自以爲得禮其不恭甚矣詩云妻子好合如鼓瑟琴兄弟旣翕和樂且湛孔子曰父母其順矣乎諺云一夫向隅滿堂不樂是則當 太廟祫享之日非特顯陵有悒悒無偶之思 英廟以上失安順之樂

光陵以下懷滿堂之慘名禮一失祀典無稽使一國之祀不盡誠孝假令 光廟有知亦必追悔旣往思有望於今日久矣文告之辭固所樂聞亦何所重難而必以爲辭乎似聞搢紳之列亦有首鼠顧望畏禍憚進者未審足下以爲何如僕近遭大禍陷於死凶者數矣死恐不得其義若當大事而畏死雖如僕之不肖亦不願也事之成不成在天人之禍與福在命惟願足下盡心力而俟命事天耳僕身在慘淒之中又處不謀之流義不當開口談世事而但與足下有平生之分不能自止惟足下裁量焉壬申臘旬李紆

拜

與趙季良 廣佐

吾儕之被罪自取也更誰怨尤前此論議時吾謂大
激無漸孝直深以為然申大用權仲虛亦如吾意但
論攻吾等豈意為禍至於斯若非鄭相孝直輩必不
免杖下之死矣耔亦同體而尚帶舊職愧汗愧汗
天怒難回吾儕免死幸耳方在待罪中惶懼惶懼不
宣李耔拜

與趙仲翼 廣輔

孝直謫死季良杖死吾儕何至於此極耶天乎天乎

孝直去路到龍多有思兄言矣兄前以大夫人行次
未能奉別孝直若葬季良則往哭孝直於山所乎耔
在罪中既不哭季良之柩又不同兄哭孝直於山所
悲懼交至不宣辛巳十一月初一李耔拜

答趙秀才 沆

前月臨顧濱死之老今又專人書問餽以食物多多
情味誰如感感向者言及先子與我交遊之事而適
忽擾未得仔細故今書略而言之吾及孝直與尊先
子兄弟義同兄弟實作道契而孝直及我墳山在龍
鄉仲翼兄弟田庄亦在龍鄉在京則無日不會下鄉

則相與川獵於斗巖者花於深谷觀花於方洞其時
實非偷閑而切劘交益之功與夫至樂之寓中自非
他人所可知也仲翼當甲戌之時狂晦若愚故己卯
孝直爲都憲方見倚任雖起出季良而未能起仲翼
蓋孝直知仲翼之不欲仕而仲翼之不仕實高我儕
數等耳孝直常謂仲翼曰顏子復生稱季良曰豪傑
之士也仲翼謂孝直曰子則兼而有之學而充之但
恨出早也孝直季良之不幸憐不忍言而我獨負罪
保命仲尼所謂幸而生者也向從仲翼之言孝直季
良豈至於斯耶前此仲翼與孝直季良及吾約搆一

間窩室于斗巖之上釣於斯築於斯薪於斯耕於斯
樂此四斯名其亭曰四隱仲翼自爲主人而欲過了
一生遭值己卯之厄孝直謫死季良杖死仲翼奉母
歸鄉未久而逝今我獨至老不死言之至此淚不能
禁仲翼季良往來與我書札多至數百篇而季良書
已卯己爲付火仲翼則平生自晦不欲人知故仲翼
亾後與我書札盡爲付火惟餘秋間書二封留在吾
床每日擎玩前月尊辱臨返旆後又付火今則無矣
獨記一句曰金馬玉堂得亦苟而人之爭青山綠水
往則有而誰能禁其餘多不能盡記惜乎季良詞章

製述已卯仲翼付火而仲翼述作自家臨絕時盡付
火今無片言隻字之傳於世誠可惜誠可惜吾之與
仲翼季良書則仲翼亦為付火云云尊家傳必無一
字之留尊之不知固也何怪乎示田畝方洞洞中所
在必是尊宅田畝而吾非故老人未詳知也不宣丙
戌三月二十九日李耆病倩

記

瓜亭記

亭以瓜名志其所有事也依倚梨樹排構屋材強名
曰亭者何取其似也不以樹名非所重也寓夫退居

陰野之五年新其屋而稍北焉越明年治其屋之東
北隅隙地以圃焉種瓜上下手自鋤耨朝夕忘疲亭
實在其中焉亦足休其力而暢其湮坐則箕踞立則
舒肅風來而開襟月出而對影真所謂不伐之家極
樂之國也東有橫岡老松十數株儼立可敬其下石
泉澗澗循新堂除漥為清池游魚百頭歷歷可數南
臨曠野田疇彌望田夫饁婦劬勞將事行旅往來絡
繹官途大小俱有累此身幸無事其西疊嶂聯巨楓
林翁蔚其北高嶺雄峙翠色如墮此其亭四方之大
略也綿田數頃菊叢一畹葡架竹園亦其勝也寓夫

少而好奇長於關東凡所見聞多瑰竒絕特之景中
為嶺南宰老作中華使亦嘗登蠡石而挹嶺南控山
海而訪海印足迹遍矣心目曠矣夫樂由中而不由
外形諸器者遺諸理陋巷之瓢足以忘萬鍾安樂之
窩亦能躡天根今是亭雖假簞食不置漁樵為事豈
不可以繼二賢蹤耶亭缺
翼其敬將有斬
乎本小而末下

夢庵記

夢之有徵古也故古有占夢之官太史實主之夫夢
出於想想出於情故至人無其次正其最下亂若余

者其亂之流也歟余生十二歲先府君為關東宰關
東實我國景勝之最而三陟又其最也五十川自太
白山來抵列壁逶迤而東邑居正東列壁之上俯臨
千丈川泓為淵中有竹西樓燕謹堂大為高人遊士
之所膾炙余實長於斯及還京師黃塵眯目臭穢盈
鼻常忽忽不樂及做官嘗遊燕都經鶴野越山海登
金臺吊柴市徘徊躑躅慷慨悲歌緬思偏霸忠賢之
風而所想不到存每於清風朗月輒思曩昔之遊蒼崖
下鐵筵釣竿上黃魚未嘗不往來肯中情想交注塊
夢相尋中年蒙 恩得保田里荒徼局縮尋使鬱塞

之肯無異市廛者將十年偶與友遊兔溪溪山清峻
僻絕幽窅可與陟州相甲乙而回擁爽塏宜幽人之
逸下

船板記

年月日挈家寓夢庵庵小不得容借敗船于州橫木
作架覆茅其上爲宴息之所藉一蒿席枕一方石風
來而披襟月上而弄影飢則呼婢取食行則指鰕爲
侶解纜而任所之投竿而忘着餌泛泛悠悠如夢中
想或口占詩句書諸片石輒投江流見人不怡故人
亦鮮至焉眼前兒輩牽挽往來不能頓捨時復自笑

每念平生足迹半天下雄奇之觀不少安知垂暮飄
轉得此幽窅以送餘日乎圭組非榮蓑笠非辱廣廈
細氈觥籌交錯賓朋醉飽樂雖在而性不存焉清江
白石行坐夷猶形神散朗魚鳥忘機追念此身披猖
到此天旣假以年世亦付相忘淹留星紀行復三周
齒髮凋暮志氣昏倦俯仰天地子然無賴性本偏滯
處物寡宜斂迹山林夙所慕尚而不能自拔偶蒙優
貸且得幽窅以畢餘命豈非平素之至願歟因書船
板以志之

跋

跋麟齋遺稿

右麟齋遺稿若干篇頃得之於今右相李公惟清家奉讀摧咽不覺隕越遂手自編錄以遺子孫嗚呼公平生自以爲不文而觀其述作雖流離急遽之中未嘗不以忠孝學問相策勵溫純和厚無異順境自以仍三世受國恩餽勉危朝挺挺大節終始不渝見忤興運父子分竄東南以常情處之宜其有憤厲怨尤之色而無幾微見於言句其所養豈易量哉高祖母陽城李夫人親遭酷禍不令子孫習文爲舉子業故曾祖良度公歷職通顯周流六卿初不以科目進意

當麟齋公不淑之時挺刃交加易簣途中卽牛峯王後陵圯而葬焉一家遑遑敢望賒死文獻書史散亂不收今其餘稿斷爛乾沒於筐篋之中歷四代百三十餘年始乃編錄於不肖之手豈非幸歟噫使吾之子孫見其少而思其多聞其言而想其行以母墜先祖之大德則斯編也其亦庶幾彛尊焉正德己卯冬後孫籽敢書于龍仁之思庵

跋尚友堂詩

國朝名相在 英陵曰黃曰許在 宣陵曰許公諱琮字宗卿號尚友堂初釋褐以慢佛見忤 光廟壓

以淫威以試其守從容不失儀範旋命進爵自是
華聞日著躡致青紫不由階級儀觀瑰偉風采凝嚴
如秋天冬日望之也厲卽之也溫尤好性理之學沉
潛考究多有所得者非錙累寸積塗諸耳目者比復
貫穿諸史閱朱文公通鑑綱目更兩旬而畢其精勤
俊敏多類是故其施諸注措者皆爲模倣爲可法知
遇宣陵比德元首入爲臯夔出爲方召歡欣鼓舞
期臻大猷而遽爾殞歿豈非命也歟其爲詩文類其
德焉不事雕琢而渾厚端慤自中聲律有德者必有
言詎不信歟公平生磊落有奇節不事家人生產作

業所居之室湫隘卑陋晏如也每受祿俸卽分恤族
戚之窮寒者且聚同門子弟諄諄然勸讀教之不倦
尤不喜權勢門無私謁卜相數年未盡展施而卒豈
非天也謚忠貞其孫沆阿附安老行若狗彘嘗於經
幄垂涕言曰臣許琮之孫也庶不欺負甚矣小人情
態如此韓忠獻不獨有侂冑也

箴

如愚箴

顏子侍夫子如時雨澤物不假聲色萬化自發今有
一人從先生遊問之不審誨之不猶虛徐自是如顏

子愚自省多疚豈有若無是謂真愚終然泄泄我用
是箴一欽一戒

上樑文

思庵上樑文

栗里清風久挹五柳之趣閑郊朗月新開三徑之資
逸 北窓宇宙長占羲皇之天南郭笙歌聊娛華胥
之域亭結構而不斲池浚深而無階每取適於苟完
詎求便於外飾迺於正寢之側更作清燕之堂益親
慕於羹牆托餘庥於松栢匪疚匪棘功已訖於數旬
不侈不華法可傳於來許風雨霜露之斯感禴祀蒸

嘗之所時理無憾於幽明情可暢於俯仰生由是死
由是期永終於令名歌於斯哭於斯庶莫墜其遺緒
工適就於秋暮閑偏多於山幽酒盈樽而動波菊滿
頭而披馥如飢如渴敢忘好賢之心維熊維羆長入
占吉之夢盍賦新宮之落以續斯千之篇想此歡呼
應共耄艾兒郎偉拋梁東矇矓曉日照窓攏幽人睡
足晷高丈不羨仙間有桂宮兒郎偉拋梁西田原極
目有高低浮生賸着邯鄲夢詩酒唯應到處迷兒郎
偉拋梁南前途役役走塵驂開窓正對城山灑閑弄
陰晴午夢酣兒郎偉拋梁北松楸高拱齊天極子孫

千歲保無宅永作岡陵基厚德兒郎偉拋梁上朝雲
暮雨百千狀盡將奇變入詩懷袖滿瓊琚

下逸

夢庵上樑文

山水有動靜之宜夙慕仁智之樂軒冕多兢惕之咎
偶脫羈馱之牢罪實浮於滔天恩已優於移地省往
愆而罔措思古人而無訖埋迹窮鄉庶專桑榆之晚
收功死域迺冀松栢之彫於焉賞心實協占象壁立
千尺儼若嚴師之擊蒙江繞三灣勇如哲人之聞善
形神散朗而欲舉魚鳥狎翫而忘機一枕黃梁幾見
雲雨之翻覆十年宦海又足炎涼之向趨

一逸

爰昧

昧而夏絕始惺惺而通明誅茅卜居喜愜幽素之望
養雞抱犢敢希蹈邈之風茲歷吉辰用興危架兒郎
偉拋梁東千峯錯愕挿天中日上雲開萬象出琉璃
影射馮夷宮兒郎偉拋梁西風流著萃儲雲霓隔江
更有王多在爭效奇祥澤衆黎兒郎偉拋梁南鎮壁
周遭俯碧潭相對軒窓多警發省身何啻日云三兒
郎偉拋梁北斗柄低垂象緯逼縹氣遙應通漢京千
秋唯願歌皇極兒郎偉拋梁上快活幽明通俯仰日
出東峯候短長山中自可了弦望兒郎偉拋梁下清
江釣罷入茅舍明燈半夜課農書要與隣翁誇學稼

伏願上梁之後神靈垂佑災孽盡消有酒盈樽不教
白丁之來往儲書滿屋任彼青衿之燭溫拚命羿穀
之中冥心釣磯之上野老爭席久空物我之嫌君子
攸官可免鳥鼠之害

碑文

贈兵曹叅判行承政院同副承旨李公碑文

公諱蕃字德林清洪道德山縣人也高麗名將諱彥
厚之後曾祖諱愉咸鏡道觀察使祖諱師季兵曹叅
判考諱云達珍山郡守妣辛氏縣監寶重之女以庚
寅九月二十四日生公公幼丁偏罰纔五歲喪慈親

力學重然諾有志節所交遊俱一時名彥弘治丙辰
中司馬試甲子中文科授承文院正字轉博士陞禮
曹佐郎出爲平安道都事入拜司諫院獻納庚午丁
內憂襄事一遵禮制家有先人遺財盡爲庶母所取
公不以爲意宗黨怪問之公曰吾雖非是財猶可以
無飢庶母貧窶無是餒也故不問聞者歎服服闋入
拜禮曹正郎司憲府持平又陞爲掌令爲執義移成
均館司成司諫院司諫出爲清州牧使爲政廉平民
服其明斷未幾辭歸橐蕭然入拜司諫俄陞堂上
授掌隸院判決事移大司諫拜承政院同副承旨以

事遷僉知中樞府事非自尊也出爲順天府使辭病歸田者數年後拜戶曹叅議歲戊子正月二十五日卒于正寢享年五十九五月十一日葬于惟新縣西國望山之下嗚呼天旣賦公以醇和直諒之性加以才華瞻敏而位不稱壽不延豈非命也歟公平生未嘗失色於人與朋友交終始不渝至當官莅職謹名器循規矩人不敢干以私又清慎寡慾不隨時俯仰世以是敬之而官亦因之不達公娶典籍盧瑁之女生三男三女長判官增華娶待教鄭荃之女生一男曰有悅後娶黃謙之女無後次縣監增茂娶幼學金

虎山之女無後妾有二子長有文次有吉次郡守增榮娶平臯副正信之女生一女後娶府使康顛之女生二女長女適忠義衛李元紘生一女次適司畜李翔生一男三女次適宣城副守無後判官子有悅娶正郎安時彥之女生三男長磕次確次硤郡守長女適幼學盧克慎生二男一女李元紘女適承文博士柳敬仁生一男一女李翔子天柱娶僉正曹明遠之女長女適生員徐希積生二男次適幼學盧子儀次適幼學李德良先是歲辛丑三月初一日盧夫人病歿四月十七日祔葬于公墓至乙巳以郡守叅原從

功臣一等追尊公兵曹叅判夫人 贈貞夫人云
按生癸巳卒碑文中先是歲辛丑盧夫
歿云先是歲以下似是主家追後添書

陰崖先生集卷之二

